


春秋左氏經傳集解增註

廿三

十二





|     |   |   |   |
|-----|---|---|---|
| 漢書門 |   |   |   |
| 一   | 六 | 四 | 類 |
| 二   | 三 | 七 | 號 |
| 冊   | 架 | 函 |   |

|      |   |   |
|------|---|---|
| 內閣文庫 |   |   |
| 八    | 漢 |   |
| 三    | 書 |   |
| 四    | 冊 | 類 |
| 一    | 架 |   |
| 二    | 冊 | 號 |
| 七    | 架 |   |
| 冊    | 架 |   |

十

|      |         |     |
|------|---------|-----|
| 內閣文庫 |         |     |
| 番號   | 漢 8347  |     |
| 冊數   | 12 (10) |     |
| 函號   | 274     | 136 |





春秋左傳杜注卷第二十二

華亭姚培謙學

昭公

經十有三年春叔弓帥師圍費

不書南蒯以費叛不以告廟

○夏四

月楚公子比自晉歸于楚弑其君虔于乾谿

比去晉而不送

書歸者陳蔡以入言陳蔡猶列國也比歸而靈王死故書弑其君靈王無道而弑稱臣比非首謀而反書弑比雖脅立猶以罪加也靈王死在五月又不在乾谿楚人生失靈王故本其始禍以赴之楚公子弃疾殺公子比

比雖為君而未列於諸侯故不稱爵殺不稱人罪弃疾

○秋公會劉子晉侯齊侯宋公衛侯鄭伯

曹伯莒子邾子滕子薛伯杞伯小邾子于平邱

平邱在陳

春秋左傳卷第二十二

昭公

德榮

留長垣縣西南。漢置平邱縣。晉廢。今故城在河南開封府陳留縣北九十里。八月甲戌同盟于平邱。

書同齊。公不與盟。魯不堪晉求讒患以多公不與盟非國惡故不詳。晉人執季孫意如。

以歸。○公至自會。無傳。○蔡侯廬歸于蔡。陳侯吳歸。

于陳。陳蔡皆受封于楚。故稱爵。諸侯納之曰歸。胡傳稱歸于者。國其所宜歸也。稱侯者。位其所固有也。○冬十月葬。

蔡靈公。蔡復而後以君禮葬之。○公如晉。至河乃復。晉人辭公。○吳滅州。

來。州來楚邑。用大師焉曰滅。

傳十三年春。叔弓圍費。弗克敗焉。為費人所敗。不書諱之。平子怒。

令見費人。執之以為囚。俘治區夫。曰非也。區夫魯大夫。若

見費人。寒者衣之。饑者食之。為之令主。而共其乏。

困費來如歸。南氏亡矣。民將叛之。誰與居邑。若憚

之以威懼。之以怒。民疾而叛。為之聚也。若諸侯皆

然。費人無歸。不親南氏。將焉入矣。平子從之。費人

叛南氏。費叛南氏在明年。傳善區夫之謀。終言其效。為之聚于偽反。

○楚子之為令尹也。殺大司馬。遠掩而取其室。在襄

年。及即位。奪遠居田。居掩之族言。遠氏所以怨。遷許而質許圍。遷許在

許大夫。許音致。蔡洧有寵於王。王之滅蔡也。其父死焉。楚滅

十一。年。洧仕楚。其父在國。故死。洧于軌反。王使與於守而行。使洧守國王。行至乾谿。申之會。

越大夫戮焉。申會在四年。王奪鬬韋。過中讎。韋過。令尹子文玄孫。中讎。邑名。鬬。州

哈公

哈公

哈公

哈公

哈公

哈公

哈公

哈公

哈公

反 又奪成然邑而使為郊尹成然韋龜子郊尹治郊竟大夫蔓成然故

事蔡公蔡公弃疾也故猶舊也韋龜以弃疾有當璧之命故使成然事之故遠氏之族及遷

居許圍蔡洧蔓成然皆王所不禮也因羣喪職之

族啓越大夫常壽過作亂常壽過申會所戮者過平聲圍固城克息

舟城而居之息舟楚邑城之堅固者顧氏炎武以固息舟為二城名觀起之死也其子

從在蔡事朝吳觀起死在襄二十二年朝吳故蔡大夫聲子之子曰今不封蔡蔡不

封矣我請試之觀從以父死怨楚故欲試作亂以蔡公之命召子于子

皙二子皆靈王弟元年子十奔晉子皙奔鄭及郊而告之情告以蔡公不知謀強與之盟

入襲蔡蔡公將食見之而逃不知其故驚起辟之觀從使子干

食坎用牲加書而速行使子于居蔡公之林食蔡公之食竝偽與蔡公盟之徵驗以示衆已

徇於蔡已觀從也已音紀曰蔡公召二子將納之與之盟而

遣之矣將師而從之詐言蔡公將以師助二子蔡人聚將執之執觀從辭

曰失賊成軍而殺余何益乃釋之賊謂子于子皙也言蔡公已成軍殺已不解罪

朝吳曰二三子若能死亡則如違之以待所濟言若法為

靈王死亡則可違蔡公之辭以待成敗如何若求安定則如與之以濟所欲言與蔡公

則可得安定且違上何適而可言不可違上也上謂蔡公眾曰與之乃奉蔡

公名二子而盟于鄧潁川省陵縣西南有鄧城二子于子皙依陳蔡人以國

國陳蔡而依之楚公子比子于公子黑肱子皙公子弃疾蔡公蔓成

昭公 威懷

然蔡朝吳帥陳蔡不羹許葉之師因四族之徒四族漢氏

許圍蔡洧蔓成然以入楚及郊陳蔡欲為名故請為武軍欲築壘

以示後人為復讎之名蔡公知之曰欲速且役病矣請藩而已乃

藩為軍藩離也○依字應作籬今作離假借也蔡公使須務牟與史捍先入

因正僕人殺犬子祿及公子罷敵須務牟史捍楚大夫蔡公之黨也正僕犬子之

近官○捍皮皆反罷音皮公子比為王公子黑肱為令尹次于魚陂

竟陵縣城西北有甘魚陂○今在湖廣安陸府景陵縣西北公子弃疾為司馬先除王宮

使觀從從師于乾谿而遂告之從乾谿之師告使叛靈王且曰先歸

復所後者劓劓截鼻○劓魚器反師及訾梁而潰靈王還至訾梁而眾散○訾子斯反

王聞羣公子之死也自投于車下曰人之愛其子

也亦如余乎侍者曰甚焉小人老而無子知擠于

溝壑矣擠隊也○擠于細反王曰余殺人子多矣能無及此乎

右尹子革曰請待于郊以聽國人聽國人之所與王曰眾怒

不可犯也曰若入於大都而乞師於諸侯王曰皆

叛矣曰若亡於諸侯以聽大國之圖君也王曰大

福不再祇取辱焉然丹乃歸于楚然丹子革奔王歸王公夏

將欲入鄢夏漢別名順流為公順漢水南至鄢芋尹無宇之子申亥曰吾

父再奸王命謂斷王旌執人於章華宮○芋于付反奸音于王弗誅惠孰大焉君

不可忍，惠不可弃，吾其從王，乃求王，遇諸棘闈，以

歸。棘里名闈門也。孔氏曰：棘，楚邑闈巷門。夏五月癸亥，王縊于芋尹申亥

氏。癸亥五月二十六日，皆在乙卯丙辰後，傳終言之，經書四月誤。申亥以其二女殉而葬之。

觀從謂子于曰：不殺弃疾，雖得國，猶受禍也。子于

曰：余不忍也。子玉曰：人將忍子。子玉，觀從。吾不忍，俟也。乃

行，國每夜駭曰：王入矣。相恐以靈王也。乙卯夜，弃疾使周走

而呼曰：王至矣。周徧也。乙卯十日。呼去聲。國人大驚，使蔓成然走

告子于，督曰：王至矣。國人殺君司馬，將來矣。司馬，謂

疾也。言司馬見殺以恐于干。君若早自圖也，可以無辱。衆怒如水火。

焉不可為謀，又有呼而走至者，曰：衆至矣。二子皆

自殺。不書弑君，位未定也。丙辰，弃疾即位，名曰熊居。葬子于于

訾，實訾敖。不成君，無號謚。訾，楚皆謂之敖。殺囚，衣之王服，而流諸漢。乃

取而葬之，以靖國人。使子旗為令尹。子旗，蔓成然。衣去聲。楚師

還自徐。前年圍徐之師。謂蕩侯等五子伐徐之師也。吳人敗諸豫章，獲其五帥

定二年，楚人伐吳師于豫章。吳人見舟于豫章，而潛師于巢，以軍楚師於豫

章。又柏舉之役，吳人舍舟于淮汭，而自豫章與楚夾漢，此皆當在江北淮水

南。蓋後徙在汪，幸豫章。平王封陳蔡，復遷邑。復九年所遷邑。致羣賂。始舉事時所貨賂。

施舍寬民，宥罪舉職。舉職，脩廢官。召觀從。王曰：唯爾所欲

觀從，教子于殺弃疾，弃疾今名用之，明在君為君之義。對曰：臣之先佐開卜，乃使為卜

尹佐卜人使枝如子躬聘于鄭且致欒櫟之田欒櫟本鄭邑

中取之平王新事畢弗致知鄭自說服不復須賂故鄭人請曰聞諸道路

將命寡君以欒櫟敢請命對曰臣未聞命既復王

問欒櫟降服而對降服如今解冠也謝違命曰臣過失命未之致也

王執其手曰子毋勤言子毋以見使為勤勞姑歸不穀有事其告

子也王善其有權有事將復使之他年芋尹申亥以王柩告乃改葬

之初靈王卜曰余尚得天下尚庶幾不吉投龜詬天而

呼曰是區區者而不余畀區區小天下語呼豆反呼去聲余必自取

之民患王之無厭也故從亂如歸初共王無冢適

冢大也。厭平聲。適丁歷反。下同。有寵子五人無適立焉乃大有事于

羣望羣望星長山川而祈曰請神擇於五人者使主社稷乃

徧以璧見於羣望曰當璧而拜者神所立也誰敢

違之既乃與巴姬密埋璧於大室之庭巴姬共王妾大室祖廟使

五人齋而長入拜從長幼以次拜。齋音齋。康王跨之過其上靈王肘加

焉子干子皙皆遠之平王弱抱而入再拜皆厭紐

微見璧紐以為審識。遠去聲。厭於甲反。鬪韋龜屬成然焉知其將立故託其子。屬音燭。且曰弃

禮違命楚其危哉弃立長之禮違當璧之命終致靈王之亂。子干歸韓宣子問

於叔向曰子干其濟乎對曰難宣子曰同惡相求

如市賈焉何難宣子謂弃疾親恃子干共同好惡故言如市賈同利以相求賈音古對曰無與

同好誰與同惡言弃疾本不與子干同好則亦不得同惡取國有五難有寵而

無人一也寵須賢人而固有人而無主二也雖有賢人當須內主為應有主而

無謀三也謀策謀也有謀而無民四也民衆有民而無德五

也四者既備當以德成子干在晉十三年矣晉楚之從不聞達

者可謂無人晉楚之士從子干游皆非達人族盡親叛可謂無主無親族在楚

無釁而動可謂無謀名子干時楚未有大釁為羈終世可謂無民

亡無愛徵可謂無德楚人無愛念之者王虐而不忌

楚君子干涉五難以弑舊君誰能濟之

言楚借君子干以弑靈王終無能成

焉城方城也時穿封戌既死弃疾并領陳事苛慝不作盜賊伏隱私欲不違不以私欲

民無怨心先神命之先神謂羣望國民信之羊姓有亂

必季實立楚之常也獲神一也當璧拜有民二也

民信之令德三也無苛慝寵貴四也貴死居常五也弃疾有五利

以去五難誰能害之子干之官則右尹也數其貴

寵則庶子也以神所命則又遠之其貴亡矣位不尊其

寵弃矣父既沒故民無懷焉非今將何以立宣

子曰齊桓晉文不亦是乎皆庶賤言皆出亡因亂而入對曰齊桓衛

昭公

德



姬之子也。有寵於僖衛姬齊。有鮑叔牙。賓須無隰朋。

以為輔佐。有莒衛。以為外主。齊桓出奔莒衛。有舅氏之助。有國高以。

為內主。國氏高氏。齊上卿。從善如流。言其疾也。下善齊肅。齊嚴也。肅敬也。齊音齋。不

藏賄。清也。不從欲。儉也。從子用反。施舍不倦。施舍猶言布恩德。求善不

厭。是以有國。不亦宜乎。我先君文公。狐季姬之子

也。有寵於獻。好學而不貳。言篤志。生十七年。有士五人。

狐偃。趙衰。顛。胡。魏。武子。司空。季子。五士。從出。有先大夫子餘。子犯。以為腹心。子餘。趙衰。

齊宋秦楚。以為外主。齊妻以女。宋贈以馬。楚王享之。秦伯納之。有欒郤狐先以。

為內主。謂欒枝。卻穀。狐突。先軫也。亡十九年。守志彌篤。惠懷弃民。惠公。懷公。

民從而與之。獻無異親。民無異望。獻公之子。九人。唯文公在。天方

相晉。將何以代文。此二君者。異於子干。共有寵子。

國有與主。謂弃疾也。共音恭。室內西南隅。謂之與。與。是內之義。與主。國內之主。故謂弃疾也。無施於民。

無援於外。去晉而不送。歸楚而不逆。何以冀國。傳言子干。

所以蒙弒君之名。弃疾。所以得國。施。去聲。

○晉成虎祁。在八年。諸侯朝而歸者。皆有貳心。賤其奢也。為取

鄭故。取鄭在十年。晉將以諸侯來討。叔向曰。諸侯不可以

不示威。知晉德薄。欲以威服之。乃竝徵會。告于吳。秋。晉侯會吳子。

子良

下邳有良城縣

水道不可吳子辭乃還

辭不

七月丙寅治

兵于邾南甲車四千乘

羊舌鮒攝司馬也攝兼官

遂合諸侯于平邱子產子大叔相鄭伯以會子產

以幄幕九張行

幄幕軍旅之帳。四合象宮室曰幄。在上曰幕。幄幕九張蓋九幄九幕也。

子大叔以

四十既而悔之每舍損焉及會亦如之

亦九張也傳言子產之適宜大

叔次于衛地叔鮒求貨於衛淫芻蕘者

欲使衛患之而致貨。淫縱也。

衛人使屠伯饋叔向羹與一篋錦

屠伯衛大夫

曰諸侯事

晉未敢攜貳况衛在君之宇下

屋宇之下喻近也

而敢有異

志芻蕘者異於他日敢請之

請止

叔向受羹反錦

示不逆其意且非貨

曰晉有羊舌鮒者瀆貨無厭

瀆數也。厭平聲數音朔

亦將

及矣

將及禍

為此役也

子若以君命賜之

其已客從之未退而禁之

禁芻蕘者

晉人將尋盟齊人不

可

有貳心故

晉侯使叔向告劉獻公

獻公王卿士劉子

曰抑齊人不

盟若之何對曰盟以底信

底致也。底音旨

君苟有信諸侯

不貳何患焉告之以文辭董之以武師雖齊不許

君庸多矣

董督也庸功也討之有辭故功多也

天子之老請帥王賦元戎

十乘以先啓行

天子大夫稱老元戎戎車在前者啓開也行道也

遲速唯君

欲佐晉討齊

向告于齊曰諸侯求盟已在此矣今君弗利寡君

以為請對曰諸侯討貳則有尋盟若皆用命何盟之尋託用命以拒晉叔向曰國家之敗有事而無業事則不

經業貢賦之業有業而無禮經則不序須禮而有次序有禮而無威

序則不共禮須威嚴而後共有威而不昭共則不明威須昭告神明而後信義

著。孔疏有交好之事而無貢賦之業交好之事不得常矣有貢賦之常而無上下之禮事雖有常不次序矣有上下之禮而無可畏之威雖有次序不

共敬矣有可畏之威而不昭告神明雖為共敬不明著矣一不明弃共百事不終所由傾覆

也信義不明則弃威不威弃禮無禮無經無經無業故百事不成是故明王之制使諸侯歲

聘以志業志識也歲聘以脩其職業閒朝以講禮三年而一朝正班爵之義率長幼之序閒去聲再

朝而會以示威六年而一會以訓上下之則制財用之節再會而盟以顯昭明

十二年而一盟所以昭信義也凡八聘四朝再會王一巡守盟于方嶽之下志業於好聘也。講禮於好去聲

等朝昭明於神也。孔疏志識貢賦之業在於交好故使聘也講習上下之

禮在於等差故使朝也示可畏之威在於眾聚故為會也昭明德之信在於告神故為盟也

失也存亡之道恒由是興晉禮主盟依先王先公舊禮主諸侯盟懼

有不治奉承齊犧齊盟之犧牲而布諸君求終事也終竟也。求終

竟盟約之事君曰余必廢之何齊之有唯君圖之寡君聞

命矣齊人懼對曰小國言之大國制之敢不聽從

既聞命矣敬共以往遲速唯君叔向曰諸侯有閒

矣閒隙也不可以不示眾八月辛未治兵習戰建而不旆

建立旌旗不曳軍將戰則旆故 壬申復旆之諸侯畏之曳旆以恐之 邾人

莒人愬于晉曰魯朝夕伐我幾亡矣自昭公即位邾魯同好又不朝夕伐莒無

故怨愬晉人信之所謂讒慝弘多 我之不共魯故之以不共晉貢 晉侯不

見公使叔向來辭曰諸侯將以甲戌盟寡君知不

得事君矣請君無勤託謙辭 子服惠伯對曰君信齊

夷之訴蠻夷謂邾莒 以絕兄弟之國弃周公之後亦唯君

寡君聞命矣叔向曰寡君有甲車四千乘在雖以

無道行之必可畏也况其率道其何敵之有牛雖

瘠償於豚上其畏不死償亦也 南蒯子仲之憂其庸可

弃乎弃猶忘也 若奉晉之衆用諸侯之師因邾莒杞鄆之

怒四國近魯數以小事相忿鄆已滅其民猶存故并以恐魯 以討魯罪聞其二憂因南蒯子仲二憂為聞隙

何求而弗克魯人懼聽命不敢與盟 甲戌同盟于平邱齊

服也經所以稱同 令諸侯日中造于除除地為壇盟會處 癸酉退朝

先盟 子產命外僕速張於除張幄幕 子大叔止之使待明

日及夕子產聞其未張也使速往乃無所張矣地已滿也

傳言子產每事敏於大叔 及盟子產爭承承貢賦之次言所出貢賦多少之次當承何國之下也 曰昔天

子班貢輕重以列列位也 列尊貢重周之制也公侯地廣故所貢者多

卑而貢重者甸服也甸服謂天子畿內共職貢者 鄭伯男也而使從

公侯之貢言鄭國在甸服外爵列伯子男不應出公侯之貢。王氏肅曰鄭伯爵而連男言之猶言曰公侯足甸辭也。懼弗

給也敢以為請諸侯靖兵好以為事靖息也。靖去聲。行理

之命行理使人通聘問者。無月不至貢之無藝藝法制。小國有闕所

以得罪也諸侯脩盟存小國也貢獻無極亡可待

也存亡之制制貢輕則小國存制貢重則小國亡。將在今矣自日中以爭

至于昏晉人許之既盟子大叔咎之曰諸侯若討

其可瀆乎瀆易也。言晉若以諸侯之兵討鄭其可瀆慢而不畏乎。子產曰晉政多門政不

家貳偷之不暇何暇討貳不壹偷苟且。國不競亦陵何國之

為不競爭則為人所侵陵不成為國。公不與盟信邾莒之訴欲討魯故。晉人執季孫意

如以幕蒙之蒙裏也。使狄人守之司鐸射魯大夫。懷錦奉壺

飲冰以蒲伏焉守者御之乃與之錦而入蒲伏竊往飲季孫冰箭箭。

蓋可以取飲。一云時方盛夏故飲冰以辟暑奉音捧蒲伏本又作匍匐。晉人以平子歸子服湫從

湫子服意伯從至晉。湫子小反。子產歸未至聞子皮卒哭且曰吾已

已猶決竟。無為為善矣言無為更須為善矣。唯夫子知我言子皮知己之善。仲尼

謂子產於是行也足以為國基矣詩曰樂旨君子

邦家之基詩小雅言樂與君子為治乃國家之基本。子產君子之求樂者也且

曰合諸侯藝貢事禮也嫌爭競不順故以禮明之。言盟主會合諸侯限藝貢賦使之有常是為得禮。

則子產爭之不為有失也。

○鮮虞人聞晉師之悉起也五年傳曰遺守四千今甲車四千乘故為悉起而不

警邊且不脩備言夷狄無謀晉荀吳自著雍以上軍侵鮮

虞及中人驅衝競中山望都縣西北有中人城驅衝車與狄爭逐○中人城今屬直隸保定府唐縣大

獲而歸為十五年晉伐鮮虞傳

○楚之滅蔡也靈王遷許胡沈道房申於荆焉平

王即位既封陳蔡而皆復之禮也滅蔡在十一年許胡沈小國也道房申皆故諸

侯楚滅以為邑荆荆山也傳言平王得安民之禮汝南有吳防縣即防國○今河南汝寧府遂平縣西有吳房城本房子國楚靈王遷房於楚吳夫概奔楚楚封於此故曰吳房隱犬子之子廬歸于蔡禮也隱犬子犬子杜作防傳寫誤也

悼犬子之子吳歸于陳禮也悼犬子偃師也吳陳惠公

侯

○冬十月葬蔡靈公禮也國復成禮以葬也此陳蔡事傳皆言禮嫌楚所封不得此諸侯故明之

○公如晉荀吳謂韓宣子曰諸侯相朝講舊好也

執其卿而朝其君有不好焉不如辭之乃使士景

伯辭公于河景伯士文伯之子彌牟也

○吳滅州來令尹子旗請伐吳王弗許曰吾未撫

民人未事鬼神未脩守備未定國家而用民力敗

不可悔州來在吳猶在楚也子姑待之傳言平王所

○季孫猶在晉子服惠伯私於中行穆子私與曰魯

事晉何以不如夷之小國魯兄弟也土地猶大所

命能具若為夷棄之使事齊楚其何瘳於晉也瘳差親

親與大賞共罰否所以為盟主也子其圖之諺曰

臣一主二言一臣必有二主道不合得去事他國吾豈無大國言非獨晉可事穆子告

韓宣子且曰楚滅陳蔡不能救而為夷執親將焉

用之乃歸季孫惠伯曰寡君未知其罪合諸侯而

執其老老尊卿稱若猶有罪死命可也死晉命也若曰無罪而惠

免之諸侯不聞是逃命也何免之為請從君惠於

會欲得盟會見遣不欲私去宣子患之謂叔向曰子能歸季孫乎對

曰不能鮒也能鮒魚乃使叔魚叔魚見季孫曰昔鮒

也得罪於晉君自歸於魯君蓋襄二十一年坐叔虎與欒氏黨并得罪微武子

之賜不至於今武子季平子祖父雖獲歸骨於晉猶子則肉

之敢不盡情歸子而不歸鮒也聞諸吏將為子除

館於西河西使近河其若之何且泣泣以信其言平子懼先歸惠

伯待禮待見遣之禮

經十有四年春意如至自晉書至者喜得免○三月曹伯滕

卒無傳四同盟○夏四月無傳○秋葬曹武公無傳○八月莒

子去疾卒未同盟○冬莒殺其公子意恢以禍亂告不必繫於為卿故雖公子亦書

意恢與亂君為黨故書名惡之○恢苦回反○陳氏傳良曰書殺意恢以非其罪也

傳十四年春意如至自晉尊晉罪已也

以舍族為尊晉罪已

晉罪己禮也

禮脩己而不責人。孫氏復曰大夫執則至至則名不稱氏前見也

○南蒯之將叛也盟費人司徒老祁慮癸

二人南蒯家臣。司徒老

祁為一人慮癸為一人司徒姓老祁字

偽廢疾使請於南蒯曰臣願受盟而

疾與若以君靈不死請待閒而盟

閒差也。差初賣反

許之二

子因民之欲叛也請朝衆而盟

欲因合衆以作亂

遂劫南蒯

曰羣臣不忘其君

君謂季氏

畏子以及今三年聽命矣子

若弗圖費人不忍其君將不能畏子矣

不能復畏子

子何

所不逞欲請送子

送使出奔

請期五日

南蒯請期其有變

遂奔齊侍

飲酒於景公公曰叛夫

戲

對曰臣欲張公室也

張強也

子韓皙曰

齊大夫

家臣而欲張公室罪莫大焉

言越職

司徒

老祁慮癸來歸費

歸魯

齊侯使鮑文子致之

南蒯雖叛費人不從未專

屬齊二子逐蒯而復其舊故經不書歸費齊使文子致邑欲以假好非事實也

○夏楚子使然丹簡上國之兵於宗邱且撫其民

上國在國都之西西方居上流故謂之上國宗邱楚地。當在今湖廣荊州府歸州境

分貧振窮

分與也振救也

長孤

幼養老疾收介特

介特單身民也收養不使流散

救災患宥孤寡

寬其賦稅赦

罪戾詰姦慝

詰責問也

舉淹滯

淹滯有才德而未敘者

禮新敘舊

新爵旅也

合親勲功也親九族任良物官

物事也。言量事而官之也

使屈罷簡東國之



兵於召陵兵在國都之東者。罷音皮。亦如之如然丹。好於邊疆結好四鄰。息民

五年而後用師禮也

○秋八月莒著邱公卒郊公不感郊公著邱公子。著直居反。國人

弗順欲立著邱公之弟庚與庚與莒共公。與音餘本亦作興。蒲餘侯

惡公子意恢而善於庚與蒲餘侯莒大夫茲夫也。意恢莒羣公子。郊公惡公

子鐸而善於意恢鐸亦羣公子。公子鐸因蒲餘侯而與之

謀曰爾殺意恢我出君而納庚與許之為下冬殺意恢傳。

○楚令尹子旗有德於王不知度有佐立之德。與養氏比

而求無厭養氏子旗之黨養由基之後。比毗志反厭平聲。王患之九月甲午楚子

殺鬪成然而滅養氏之族使鬪辛居鄭以無忘舊

勳辛子旗之子鄭公辛。鄭音云。

○冬十二月蒲餘侯茲夫殺莒公子意恢郊公奔

齊公子鐸逆庚與於齊齊隰黨公子鉏送之有賂

田莒賂齊以田。

○晉邢侯與雍子爭鄙田邢侯楚申公巫臣之子也。雍子亦故楚人。鄙許六反襄二十六年傳稱

久而無成士景伯如楚士景伯晉理官

叔魚攝理攝代景伯韓宣子命斷舊獄罪在雍子雍子納

其女於叔魚叔魚蔽罪邢侯蔽斷也。斷丁亂反。邢侯怒殺叔

魚與雍子於朝宣子問其罪於叔向叔向曰三人

同罪施生戮死可也施行罪也雍子自知其罪而賂以買

直鮒也鬻獄邢侯專殺其罪一也已惡而掠美為

昏掠取也昏亂也○掠音亮貪以敗官為墨墨不潔之稱殺人不忌為賊忌畏也

復書曰昏墨賊殺逸書三者皆死刑臯陶之刑也請從之乃

施邢侯而尸雍子與叔魚於市仲尼曰叔向古之

遺直也言叔向之直有古人遺風治國制刑不隱於親謂國之大問已所答當也至於他事則宜

有隱當去聲三數叔魚之惡不為末減末薄也減輕也皆以正言之曰義也

夫可謂直矣於義未安直則有之○孔疏義者於事合宜所為得理直者唯無阿曲未能圓通平邱之會

數其賄也謂言賄貨無厭以寬衛國晉不為暴歸魯季孫稱

其詐也謂言詐也以寬魯國晉不為虐邢侯之獄言其

貪也以正刑書晉不為頗三言而除三惡加三利

三惡暴虐頗也三惡除則三利加○頗音何反殺親益榮榮名益已猶義也夫三罪唯答宣子問不可以不正

其餘則以直傷義故重疑之

經十有五年春王正月吳子夷末卒無傳未同盟○二月

癸酉有事于武宮籥入叔弓卒去樂卒事魯書有事為叔弓卒起也

武宮魯武公廟成六年復立之○孔疏祭必有樂樂有文舞武舞文執羽籥武執干鉞其入廟也必先文而後武當籥始入叔弓暴卒故於是去樂不用而終卒祭事也叔弓之卒當籥入之時故舉籥入也及其去之則

諸樂皆去故云去樂鐘鼓管磬悉皆去之非獨去籥舞也○夏祭朝

聖傳

吳出奔鄭

朝吳不遠讒人所以見逐而書名。胡傳朝吳曷為出奔費無極害其寵也。無極楚之讒人志朝吳出奔而入郢之師兆矣。

○六月丁巳朔日有食之

無

秋晉荀吳帥師伐

鮮虞○冬公如晉

傳十五年春將禘于武公

汪氏克寬曰有事武宮乃春祠之祭也左氏以禘為四時之祭遂誤以

為禘戒百官

齊戒將祭必齊祭前豫戒之

梓慎曰禘之日其有咎乎吾

見赤黑之祲非祭祥也喪氛也

祲妖氣也蓋見於宗廟故以為非祭祥也氣惡氣也。禘

子鳩其在蒞事乎

蒞臨也。蒞事者當其咎

二月癸酉禘叔弓蒞事籥

入而卒去樂卒事禮也

大臣卒故為之去樂

○楚費無極害朝吳之在蔡也

朝吳蔡大夫有功於楚平王故無極恐其有寵疾害之。

欲去之乃謂之曰王唯信子故處子於蔡子亦

長矣而在下位辱必求之吾助子請

請求

又謂其上

之人

蔡人在上位者

曰王唯信吳故處諸蔡二三子莫之如

也而在其上不亦難乎弗圖必及於難夏蔡人逐

朝吳朝吳出奔鄭王怒曰余唯信吳故寘諸蔡且

微吳吾不及此女何故去之無極對曰臣豈不欲

吳

非不欲善吳

然而前知其為人之異也

言其多權謀

吳在蔡蔡

必速飛去吳所以翦其翼也

以鳥喻也言吳在蔡必能使蔡速強而背楚

○六月乙丑王太子壽卒

周景王子

○秋八月戊寅王穆

昭公

宋

后崩

太子壽之母也傳為晉荀躒如周葬穆后起

○晉荀吳帥師伐鮮虞圍鼓

鼓白狄之別鉅鹿下曲陽縣有鼓聚。下曲陽故城在今直隸

真定府晉州西今晉州治即鼓國漢志所謂鼓聚也

鼓人或請以城叛穆子弗許左右

曰師徒不勤而可以獲城何故不為穆子曰吾聞

諸叔向曰好惡不愆民知所適事無不濟愆過也適歸也或

以吾城叛吾所甚惡也人以城來吾獨何好焉賞

所甚惡若所好何無以復加所好若其弗賞是失信也何以

庇民力能則進否則退量力而行吾不可以欲城

而邇姦所喪滋多使鼓人殺叛人而繕守備圍鼓

三月鼓人或請降使其民見曰猶有食色姑脩而

城軍吏曰獲城而弗取勤民而頓兵何以事君穆

子曰吾以事君也獲一邑而教民怠將焉用邑邑

以賈怠不如完舊完猶保守。賈音古。言與其獲一邑而賈人以怠惰不如令其民姑保守其舊也賈怠

無卒卒終也弃舊不祥鼓人能事其君我亦能事吾君

○今不受其降使其盡力守城是鼓人能事其君我教民不怠是我亦能事吾君也率義不爽爽差也好惡不愆

城可獲而民知義所知義所在也荀吳必其能獲故因以示義有死命而無二

心○盡忠以死君命不亦可乎鼓人告食竭力盡而後取之

克鼓而反不戮一人以鼓子戴鞮歸

戴鞮鼓君名。戴本又作戴悅全反

鞮丁  
今又

○冬公如晉平邱之會故也平邱會公不與盟季孫見執今既得免故往謝之

○十二月晉荀躒如周葬穆后籍談為介既葬除

喪以文伯宴樽以魯壺文伯荀躒也魯壺魯所獻壺樽其酒樽用魯人所獻壺樽王曰

伯氏晉同姓國故王稱其大夫為伯氏諸侯皆有以鎮撫王室晉獨無

有何也感魯壺而言也鎮撫王室謂貢獻之物文伯揖籍談文伯無辭揖籍談使對對曰諸

侯之封也皆受明器於王室謂明德之分器分扶問反年內同以鎮撫

其社稷故能薦彝器於王薦獻也彝常也謂可常寶之器若魯壺之屬晉居深

山戎狄之與鄰而遠於王室王靈不及拜戎不暇

言王寵靈不見及故數為戎所加陵其何以獻器王曰叔氏而忘諸乎叔籍談字

稱荀躒為伯氏故稱其介為叔氏叔父唐叔成王之母弟也其反無分

乎密須之鼓與其大路文所以大蒐也密須姑姓國也在安定陰密縣

文王伐之得其鼓路以蒐今陰密故城在陝西平涼府靈臺縣西五十里闕鞏之甲武所以克商

也闕鞏國所出鎧鎧開代反唐叔受之以處參虛參虛實沈之次

晉之分野其後襄之二路周襄王所賜晉文公大路戎路鉞鉞鉅鬯鉞鉞也鉞鉞也鉞鉞也鉞鉞也

鉞黑黍鬯香酒。鉞音戚。孔疏鉞鉞俱是斧鉞大斧小尚書武王左杖黃鉞孔安國云以黃金飾斧是鉞以金飾也賜鉞鉞使之專殺戮賜鉞使之

祭先祖也彤弓虎賁文公受之以有南陽之田事在僖二十八年撫

征東夏非分而何夫有勲而不廢加重有績而載書功於策

奉之以土田有南陽撫之以彝器弓鈇之屬旌之以車服襄之路明

之以文章旗子孫不忘所謂福也福祚之不登叔

父焉在言福祚不在叔父當在誰邪且昔而高祖孫伯鷹司晉之典

籍以為大政故曰籍氏孫伯鷹晉正卿籍談九世祖鷹以斬反九世祖稱高祖老言是高遠之祖也

及辛有之二子董之晉於是乎有董史辛有周人為高祖意同

也其二子適晉為大史籍鷹與之共董督晉典因為董氏董狐其後女司典之後也何故忘之

籍談不能對賓出王曰籍父其無後乎數典而忘

其祖忘祖業數色主反籍談歸以告叔向叔向曰王其不終

乎吾聞之所樂必卒焉今王樂憂若卒以憂不可

謂終王一歲而有三年之喪二焉天子絕期唯服三年故后雖期通謂之三年喪

於是乎以喪顧氏炎武曰禮為長子斬衰三年喪妻雖期年而傳曰父必三年然後娶達子之志也是亦有三年之義

賓宴又求彝器樂憂甚矣且非禮也彝器之來嘉

功之由非由喪也孔疏諸侯自有善功乃作常器以獻其功獻非由喪也三年之喪雖

貴遂服禮也天子諸侯除喪當在卒哭今王既葬而除故譏其不遂也孔疏遂由中也竟也言三年之喪雖貴為天子由當

王雖弗遂宴樂以早亦非禮也言今雖不能遂使終日月便宴樂又失禮也

禮王之大經也一動而失二禮無大經矣

言以考典考成也典以志經忘經而多言舉

典將焉用之為二十二年王室亂傳

昭公 德榮

經十有六年春齊侯伐徐○楚子誘戎蠻子殺之

○戎是種號蠻是國名子爵也○夏公至自晉○秋八月己亥晉侯夷

卒未同盟○九月大雩○季孫意如如晉○冬十月葬

晉昭公三月而葬速

傳卜六年春王正月公在晉晉人止公不書諱之

也猶以取鄭故也公為晉人所執止故諱不書

○齊侯伐徐楚子聞蠻氏之亂也與蠻子之無質

也質信也○蠻子雖與楚舊交元無誠信使然丹誘戎蠻子嘉殺之遂取蠻

氏既而復立其子焉禮也許之非也立其子禮也河南新城縣東南有蠻城○今在河南汝州西南

二月丙申齊師至于蒲隧蒲隧徐地下邳取慮縣東有蒲如陂○今在江南鳳陽府虹縣北取慮上

音秋下力居反陂彼皮反徐人行成徐子及郟人莒人會齊侯盟于

蒲隧賂以甲父之鼎甲父古國名高平昌邑縣東南有甲父亭徐人得甲父鼎以賂齊○郟莒畏齊討已故從

徐子受齊盟昌邑城今在山東兗州府金鄉縣西北四十里叔孫昭子曰諸侯之無伯害

哉為小國害齊君之無道也與師而伐遠方會之有成而

還莫之亢也無亢無伯也夫詩曰宗周既滅靡所止

戾正大夫離居莫知我肄詩小雅戾定也肄勞也言周舊為天下宗今乃衰滅亂無息定執政大夫

離居異心無有念民勞者也其是之謂乎傳言晉之衰○言今晉衰微不能止亂晉之諸卿異心不憂民之勞苦如詩人之所云

○三月晉韓起聘于鄭鄭伯享之子產戒曰苟有

位於朝無有不共恪孔張後至立於客間孔張子孔之孫。禮大夫

立於東夾南面張立於客間者蓋賓入未升階時立於西方孔張誤立於客間也執政禦之執政掌位列者禦止也適客

後又禦之適縣間縣樂肆。張又移立於客之西執政又禦止之張又益趨西乃立於鐘磬樂肆之間客從

而笑之事畢富子諫富子鄭大夫諫子產也曰夫大國之人不可

不慎也幾為之笑而不陵我言數見笑則必陵侮我幾居豈反下幾求同我皆

有禮夫猶鄙我鄙賤也。言以我為鄙邑而陵之也國而無禮何以求榮

孔張失位吾子之恥也子產怒曰發命之不衷衷當也

出令之不信刑之頗類緣事類以成偏頗。頗普多反。孔疏事有相類真偽難明緣此事類以致偏頗也服虔讀類為類解云頗偏也類不平也獄之放紛放縱也。紛亂也會朝之不敬謂國無禮敬之

心。會朝謂出外會朝於大國使命之不聽下不從上命取陵於大國罷民而

無功罪及而弗知僑之恥也孔張君之昆孫子孔

之後也昆見也子孔鄭襄公兄孔張之祖父執政之嗣也子孔嘗執鄭國之政為嗣大

人承命以使周於諸侯國人所尊諸侯所知立於

朝而祀於家卿得自立廟於家。使去聲下以使同有祿於國受祿邑有賦於軍

軍出卿賦百乘喪祭有職有所主受賑歸賑受賑謂君祭以肉賜大夫歸賑謂大夫祭歸肉於公皆社之戎

祭也。賑市軫反。孔疏大夫不得私自出軍自祭私社而得歸賑於公者謂大夫奉君命以戎事攝祭於社也其祭在廟

已有著位在位數世世守其業而忘其所僑焉得

恥之其祭在廟謂助君祭辟邪之人而皆及執政是先王無刑



罰也

言為過謬者自應用刑罰。辟，匹亦反。

子寧以他規我

規，正也。

宣子有環其

一在鄭商

玉環，同工共朴，白共為雙。

宣子謁諸鄭伯

謁，請也。

子產弗與曰

非官府之守器也。寡君不知，子大叔子羽謂子產

曰：韓子亦無幾求

言所求少。

晉國亦未可以貳。晉國韓子

不可偷也

偷，薄也。

若屬有讒人交鬪其間

屬，音燭。

鬼神而助

之以與其凶，怒悔之何及？吾子何愛於一環？其以

取憎於大國也。盍求而與之。子產曰：吾非偷晉而

有二心，將終事之，是以弗與。忠信故也。

所以盡忠於宣子而守與晉

也。之信。僑聞君子非無賄之難，立而無令名之患。僑聞

為國，非不能事大字小之難，無禮以定其位之患。

夫大國之人，令於小國，而皆獲其求，將何以給之？

一共一否，為罪滋大

滋，益也。

大國之求，無禮以斥之，何

饜之有？吾且為鄙邑，則失位矣

不復成國。

若韓子奉命以

使而求玉焉，貪淫甚矣，獨非罪乎？出一玉以起二

罪，吾又失位。韓子成貪，將焉用之？且吾以玉賈罪，

不亦銳乎？

銳，細小也。賈，音古。

韓子買諸賈人，既成賈矣，商人

曰：必告君大夫。韓子請諸子產，曰：日起，請夫環，執

政弗義，弗敢復也

復，重求也。成賈，音嫁。

今買諸商人，商人曰：必

以聞敢以為請子產對曰昔我先君桓公與商人

皆出自周鄭本在周畿內桓公東遷并與商人俱庸次比耦庸用也用次更相從耦耕比毗志反言與商

人用次序相比而耦耕也以艾殺此地斬之蓬蒿藜藿而共處之世

有盟誓以相信也曰爾無我叛我無強賈無強市其物艾魚廢反

蕿徒弔反強其丈反賈音古毋或勾奪爾有利市寶賄我勿與知恃

此質誓故能相保以至於今今吾子以好來辱而

謂敝邑強奪商人是教敝邑背盟誓也毋乃不可

乎吾子得玉而失諸侯必不為也若大國令而共

無藝藝法也鄭鄙邑也則是鄭國為晉邊鄙之邑亦弗為也不欲為鄙邑之事僑

若獻玉不知所成敢私布之布陳也韓子辭玉曰起不

敏敢求玉以徼二罪敢辭之傳言子產知禮宣子能改過夏四月鄭

六卿餞宣子於郊餞送行飲酒宣子曰二三君子請皆賦

起亦以知鄭志詩言志也子齋賦野有蔓草子齋子皮之子嬰齊也野有蔓草詩鄭風

取其邂逅相遇適我願兮齋才何反宣子曰孺子善哉吾有望矣君子相願已所望也子

產賦鄭之羔裘言鄭別於唐羔裘也取其彼已之宣子曰起不

堪也不堪國之司直子大叔賦褰裳褰裳詩曰子惠思我褰裳涉溱子不

之志如不我思亦豈無他人宣子曰起在此敢勤子至於他人乎言已今崇

好在此不復令子適他人子大叔拜謝宣子之有鄭宣子曰善哉子之言是

是褰裳

不有是事其能終乎

韓起不欲令鄭求他人子大叔拜以答之所

不善其終惟有是

子游賦風雨

子游駟帶之子駟偃也風雨詩取其既見君子云胡不夷

子旗

警戒當能終於好

賦有女同車

子旗公孫段之子豐施也有女同車取其洵美且都愛樂宣子之志

之子印癸也揮兮詩取其倡子和女言宣子倡已將和從之。揮他洛反

宣子喜曰鄭其庶乎

庶幾於與盛

二三君子以君命貺起賦不出鄭志

六詩皆鄭風故曰不出鄭志

昵燕好也

昵親也賦不出其國以示親好。昵女乙反

二三君子數世之主也

可以無懼矣宣子皆獻馬焉而賦我將

我將詩頌取其日靖四方我其

風夜畏大之威言志在靖亂畏懼天威

子產拜使五卿皆拜曰吾子靖亂敢

不拜德宣子私覲於子產以玉與馬曰子命起舍

夫玉是賜我玉而免吾死也敢不藉手以拜

以玉馬藉手拜謝

○公至自晉

晉聽公歸

子服昭伯語季平子曰晉之公室其將遂卑矣君幼弱六卿彊而奢傲

將因是以習習實為常能無卑乎平子曰爾幼惡

識國

昭伯尚少平子不信其言。惡平整

○秋八月晉昭公卒

為下平子如晉葬起

○九月大雩旱也鄭大旱使屠擊祝款豎柎有事

於桑山

三子鄭大夫有事祭也。柎音附

斬其木不雨子產曰有事于

山藝山林也

藝養護令繁殖。藝音藝

而斬其木其罪大矣奪之官

邑

○冬十月季平子如晉葬昭公平子曰子服回之

言猶信自往見之子服氏有子哉有賢子也

經十有七年春小邾子來朝○夏六月甲戌朔日

有食之○秋邾子來朝○八月晉荀息帥師滅陸

渾之戎○冬有星孛于大辰大辰房心尾也妖變非常故書大火謂之大辰大辰蒼龍宿

之體心在中最明故以候四時字音佩彗星也狀似掃帚光芒孛孛然○楚人及吳戰于長岸吳楚

莫肯告負故但書戰而不書敗也長岸楚地○今江南太平府當塗縣西南

三十里有西梁山與東梁山夾江相對如門之闕亦曰天門山郡國志云春秋楚獲吳乘舟餘皇處也

傳十七年春小邾穆公來朝公與之燕季平子賦

采叔采叔詩小雅取其君子來朝何錫與之以穆公喻君子穆公賦菁菁者莪菁菁者莪亦詩小雅取其

既見君子樂且昭子曰不有以國其能久乎嘉其能答賦言其賢故能久有國

○夏六月甲戌朔日有食之祝史請所用幣禮正陽之月日

食當用幣於社社故請之昭子曰日有食之天子不舉不舉盛饌伐鼓於社

諸侯用幣於社責上伐鼓於朝退自責禮也平子禦之

曰止也唯正月朔慝未作日有食之於是乎有

伐鼓用幣禮也其餘則否大史曰在此月也正月謂建巳正

陽之月也於周為六月於夏為四月慝陰氣也四月純陽用事陰氣未動而

春秋左傳卷三十一

昭公

三

聖傳

月日過分而未至過春分而未夏至三辰有災三辰日月星也日月相侵又犯是宿故三辰皆為災

於是乎百官降物降物素服君不舉辟移時辟正寢過日食時樂奏

鼓伐鼓○奏進也樂官進鼓則伐之故云伐鼓祝用幣用幣於社史用辭用辭以自責故復書

曰辰不集于房逸書也集安也房舍也日月不安其舍則食○今省征警奏鼓警樂師嗇夫

馳庶人走車馬曰馳步曰走為救日食備也此月朔之謂也當復四月謂

之孟夏言此六月當夏家之四月平子弗從昭子退曰夫子將有異

志不君君矣安君之災故曰有異志

○秋邾子來朝公與之宴昭子問焉曰少皞氏烏

名官何故也少皞金天氏黃帝之子已姓之祖也問何故以烏名官○少皞氏身號金天氏代號也下炎帝大皞等同

子曰吾祖也我知之昔者黃帝氏以雲紀故為雲

師而雲名黃帝軒轅氏姬姓之祖也黃帝受命有雲瑞故以雲紀事百官師長皆以雲為名號縉雲氏蓋其一官也○縉音進○孔

號即是以雲紀細諸事也炎帝氏以火紀故為火師而火名

共工氏以水紀故為水師而水

名共工以諸侯霸有九州者在神農前大皞後亦受水瑞以水名官大皞氏以龍紀故為龍師

而龍名大皞伏羲氏風姓之祖也我高祖少皞摯之立也鳳

鳥適至故紀於鳥為鳥師而鳥名鳳鳥氏歷止也

鳳鳥知天時故以名歷正之官立鳥氏司分者也立鳥燕也以春分來秋分去伯趙氏司

至者也伯趙伯勞也以夏至鳴冬至止青鳥氏司啓者也青鳥鷦鷯也以立春鳴立夏止○鷦音倉

春秋左傳卷之三十一 昭公 昭公

鷓亦作鷓 丹鳥鷓雉也。以立秋來立冬夫入大

於諫反 必滅 祝鳩氏司徒也 祝鳩鷓鳩也。鷓鳩孝。 鷓鳩氏司馬也 鷓鳩

也鷓而有別故為司馬 主法制。鷓七徐反 鷓鳩氏司空也 鷓鳩鷓鷓也。鷓鳩平均故為

六 爽鳩氏司寇也 爽鳩鷓也。鷓故 鷓鳩氏司事也 鷓鳩鷓鷓也。春

來冬去故 五鳩鳩民者也 鳩聚也。治民上 五雉為五工正

為司事 五鳩鳩民者也 鳩聚也。治民上 五雉為五工正

五雉雉有五種。西方曰鷓雉。東方曰鷓雉。南方曰翟雉。北方

曰鷓雉。伊洛之南曰鷓雉。鷓音存。鷓側其反。鷓又作希 利器用正

度量夷民者也 夷平也 九扈為九農正 扈有九種也。春扈鷓鷓

扈竊黃棘。扈竊丹行。扈嗜嗜。宵扈噴噴。桑扈竊脂。老扈鷓鷓。以九扈為九

農之號。各隨其宜。以教民事。鷓扶云反。鷓救倫反。鷓側百反。鷓音責 扈民無淫者也 扈止也。止民 自顓頊以來不能紀遠乃

紀於近為民師而命以民事則不能故也 顓頊氏代 不能致遠瑞而 以民事命官 仲尼聞之見於郊子而學之 於是仲尼 年二十八既 而告人曰吾聞之天子失官學在四夷猶信 失官官 不脩其 職也傳言聖 人無常師

○晉侯使屠蒯如周請有事於雒與三塗 屠蒯晉侯之 膳宰也以忠 諫見進雒水也三 塗山名在陸渾南 萇弘謂劉子曰客容猛非祭也其伐

戎乎陸渾氏甚睦於楚必是故也君其備之乃警 戒備 警戒以備戎也 九月丁卯晉荀吳帥師涉自棘津 衛輝府胙城縣北 使祭史先用牲于雒陸渾人弗知師

從之庚午遂滅陸渾數之以其貳於楚也陸渾子

奔楚其眾奔甘鹿甘鹿周地周大獲先警戎備故獲宣子夢文公攜

荀吳而授之陸渾故使穆子帥師獻俘于文宮欲以應夢

○冬有星孛于大辰西及漢夏之八月辰星見在天漢西今孛星出辰西光芒東及天漢

申須曰彗所以除舊布新也中須魯大夫天事恒象天道恒以

象類告示人今除於火火出必布焉諸侯其有火災乎今火向伏

故知當須火出乃布散為災梓慎曰往年吾見之是其徵也徵始有形象而徵也火

出而見前年火出時見音現今茲火出而章必火入而伏隨火沒也其

居火也久矣歷二年其與不然乎言必然也。邵氏竇曰其與語辭猶曰其諸火出

於夏為三月謂昏於商為四月於周為五月夏數得

天得天正。斗柄所指一歲十二月分為四時夏以建寅為正則斗柄東指為春南指為夏是為得天四時之正也若火作

其四國當之在宋衛陳鄭乎宋大辰之虛也大辰大火宋分

野。虛起居反陳大皞之虛也大皞居陳木火所自出鄭祝融之虛也祝融高辛氏之

火正居鄭皆火房也房舍也星孛及漢漢水祥也天漢水也衛顛頊之

虛也故為帝邱衛今濮陽縣昔帝顛頊居之其城內有顛頊冢其星為大水衛星營室

也水火之牡也牡雄也。陰陽書有五行嫁娶之法火畏水故以丁為壬妃是火為火之雄其以丙

子若壬午作乎水火所以合也丙午火壬子水水火合而相薄水少而火多故水不勝火

○彗在大辰為多及漢為少是水少而火多也若火入而伏必以壬午尚未知今彗星當復隨火星俱

伏否故火見周不過其見之月之五月鄭裨竈言於子產曰宋

衛陳鄭將同日火若我用瓘竿玉瓚鄭必不火瓘珪也竿

玉爵也瓚勺也欲以禳火。瓘古亂反勺上若反襍如羊反子產弗與以為天災流行非禳所息故也為明年宋衛陳鄭災傳

○吳伐楚陽句為令尹卜戰不吉陽句穆王曾孫令尹子瑕司馬子

魚曰我得上流何故不吉子魚公子魴也順江而下易用勝敵且楚故司馬

令龜我請改卜令曰魴也以其屬死之楚師繼之

尚大克之吉得吉兆。魴音房戰于長岸子魚先死楚師繼之

大敗吳師獲其乘舟餘皇餘皇舟名使隨人與後至者守

之環而塹之及泉環周也。塹七豔反盈其隧炭陳以待命隧也入道

吳公子光光諸樊子闔廬請於其眾曰喪先王之乘舟豈唯

光之罪眾亦有焉請藉取之以救死藉眾之力以取舟眾許

之使長鬣者三人長鬣多鬚與吳人異形狀詐為楚人潛伏於舟側曰我

呼餘皇則對師夜從之師吳師也三呼皆迭對迭更也楚人從

而殺之楚師亂吳人大敗之取餘皇以歸傳言吳光有謀

春秋左傳杜注卷第二十三



春秋左傳杜注卷第二十四

華亭姚培謙學

昭公

經十有八年春王三月曹伯須卒

未同盟而赴以名

○夏五

月壬午宋衛陳鄭災

來告故書天火曰災

○六月邾人入郟

郟國今琅

邪開陽縣○郟音禹○開陽故城在今山東兗州府沂州北十五里

○秋葬曹平公○冬許遷于

白羽

自葉遷也畏鄭而樂遷故以自遷為文

傳十八年春王二月乙卯周毛得殺毛伯過

毛伯過周大夫

得過之族○過平聲

而代之

代居其位

萇弘曰毛得必亡是昆吾稔之

日也。侈故之以昆吾夏伯也。稔熟也。侈惡積熟以乙卯日與桀同誅。昆吾祝融之後嘗為夏伯以惡熟誅者乃其後世子孫

耳而毛得以濟侈於王都不亡何待為二十六年毛伯奔楚傳

○三月曹平公卒為下會葬見原伯起本

○夏五月火始昏見火心星丙子風梓慎曰是謂融風

火之始也東北曰融風融風木也木火母故曰火之始七日其火作乎從丙子至壬午七日壬午

戊寅風甚壬午火甚宋衛陳鄭皆火梓慎水火合之曰故知當作

登大庭氏之庫以望之大庭氏古國名在魯城內魯於其處作庫高顯故登以望氣參近古以審前年之言

曰宋衛陳鄭也數日皆來告火言經所禘竈曰不用

吾言鄭又將火前年禘竈欲用確竿禘火子產不聽今復請用之鄭人請用之信竈子

產不可子大叔曰寶以保民也若有火國幾亡可

以救亡子何愛焉子產曰天道遠人道邇非所及

也何以知之竈焉知天道是亦多言矣豈不或信

多言者或時有中遂不與亦不復火傳言天道難明雖禘竈猶不足以盡知之鄭之未災

也里析告子產曰將有大祥里析鄭大夫祥變異之氣○對舉則祥與殃別單言則五行傳

青祥白祥之類皆以惡徵為祥也言將先災死○孔疏良是語辭史傳多云良所未悟良有以也是古今共有此語

國遷其可乎子產曰雖可吾不足以定遷矣子產知天災不可逃非遷所免故託以知不足

及火里析死矣未葬子產使與三十人遷其柩以其嘗與已言故火作子

產辭晉公子公孫于東門晉人新來未入故辭不使前也使司寇出新

客新來聘者禁舊客勿出於宮為其知國情不欲令去使子寬子上巡羣

屏攝至于犬宮二子鄭大夫屏攝祭祀之位犬宮鄭祖廟巡行宗廟不得使火及之○屏上聲○孔疏子寬游吉之子與游遠

龜登開卜大夫使祝史徙主祔於周廟告于先君禘廟土石周廟屬王廟

使府人庫人各做其事微備火也商成公

做司宮商成公鄭大夫司宮出舊宮人寘諸火所不及舊宮人先

司馬司寇列居火道備非常也行火所燧燧炙也○城下

之人伍列登城為部五登城備姦也明日使野司寇各保其徵

野司寇縣士也火之明日四方乃聞災故戒保所徵役之人○慮有所須當徵之 郊人助祝史除於國

北為祭處於國北者許才陰壤火禳火于立寘回祿立寘水神回祿火神祈于四鄘

書焚室而寬其征與之材征賦稅也三日

哭國不市示憂戚不會市使行人告於諸侯宋衛皆如是陳

不救火許不弔災君子是以知陳許之先亡也不義

○六月鄆人藉稻鄆姓國也其君自出藉稻蓋復行之邾人襲鄆鄆人將

閉門邾人羊羅攝其首焉斬得閉門者頭攝訓為持遂入之盡俘

以歸鄆子曰余無歸矣從帑於邾邾莊公反鄆夫

人而舍其女為明年宋伐邾起

○秋葬曹平公往者見周原伯魯焉原伯魯周大夫與之語

不說學音悅歸以語閔子馬閔子馬曰周其亂乎夫

必多有是說而後及其大人國亂俗壞言者過多漸以及大人夫人在位者言其國內必多有

是不說學問之說也而後流傳及其在位之大人大人患失而惑又曰可以無學無

學不害患有學而失道者以惑其意大人患其國內有多學而失其道者而疑惑於此言謂此言有道理也大人於是又為言曰其實可

以無學無害不為害也不害而不學則苟而可以為無害遂不學則皆懷苟且於是乎

下陵上替能無亂乎夫學殖也不學將落原氏其

亡乎殖生長也言學之進德如農之殖苗口新日益不學則才知日退將如草木之墜落枝葉也

○七月鄭子產為火故大為社為治也○非常祭祓禳之月為火特祭祓禳

於四方振除火災禮也振弃也○祓芳併反○禳如羊反皆除凶之祭乃簡兵大

蒐將為蒐除治兵於廟城內地迫故除廣之子大叔之廟在道南其寢

在道北其庭小庭蒐場也○孔疏游吉宅近大路其廟當在宅內以其居處狹隘故廟在道南寢在道北寢即游吉所居宅也

過期三日處小不得一時畢○孔疏此量其庭之大小而豫計之以庭小日也陸氏祭曰犬叔不忍毀廟故過期三日須子產之後命使除徒陳於道南廟北曰子

產過女而命速除乃毀於而鄉而女也毀女所鄉○鄉去聲子產朝

朝過而怒之怒不毀除者南毀子產及衝使從者止之

曰毀於北方言子產仁不忍毀人廟火之作也子產授兵登陴子

大夫曰晉無乃討乎辭晉公子公孫而授兵似若叛晉子產曰吾聞之

小國忘守則危況有災乎國之不可小有備故也

既晉之邊吏讓鄭曰鄭國有災晉君大夫不敢寧

居卜筮走望言為鄭卜筮宜禱何神奔走而望祭之不愛牲玉鄭之有災寡

君之憂也今執事擱然授兵登陣擱然勁忿貌擱返板反將以誰

罪邊人恐懼不敢不告子產對曰若吾子之言敝

邑之災君之憂也敝邑失政天降之災又懼讒慝

之閒謀之以啓貪人荐為敝邑不利荐重也間去聲以重

君之憂幸而不亡猶可說也說解也不幸而亡君雖憂

之亦無及也鄭有他竟望走在晉言鄭雖與他國為竟每瞻望晉歸赴之既

事晉矣其敢有二心傳言子產有備

○楚左尹王子勝言於楚子曰許於鄭仇敵也而

居楚地以不禮於鄭十五年平王復遷邑許自夷還居葉特楚而不事鄭晉鄭方睦鄭

若伐許而晉助之楚喪地矣君盍遷許許不專於

楚自以舊國不專心事楚鄭方有令政許曰余舊國也許先鄭封鄭曰余

俘邑也隱十一年鄭滅許而復存之故曰我俘邑葉在楚國方城外之敵也為方城外

之敵障土不可易易輕也易去聲國不可小謂鄭許不可俘讎不

可啓君其圖之楚子說冬楚子使王子勝遷許於

春秋左傳卷之六

析實白羽

於傳時白羽改為析。今河南南陽府鄧州內鄉縣是也。

經十有九年春宋公伐邾為邾○夏五月戊辰許世

子止弒其君買加弒者貴止不捨藥物○己卯地震無傳○秋齊高

發帥師伐莒○冬葬許悼公無傳

傳十九年春楚工尹赤遷陰于下陰陰縣今屬南鄉郡。今湖廣襄陽府光化

縣西漢水西岸有古陰縣城即下陰邑也令尹子瑕城邾叔孫昭子曰楚不在

諸侯矣其僅自完也以持其世而已遷陰城邾皆欲以自完守

○楚子之在蔡也蓋為大夫時往聘蔡鄆陽封人之女奔之生

犬子建鄆陽蔡邑。鄆古闕反。當在河南汝寧府新蔡縣境及即位使伍奢之師

伍奢伍舉之子伍員之父○員音云費無極為少師無寵焉欲譖諸王曰

建可室矣室妻也王為之聘於秦無極與逆勸王取之

正月楚夫人羸氏至自秦王自取之故稱夫人至為下拜夫人起。與音預

○鄆夫人宋向戌之女也故向寧請師寧向戌子也請於宋公伐邾

二月宋公伐邾圍蟲三月取之蟲邾邑不書圍取不以告。蟲當在山東濟寧州東境

乃盡歸鄆俘

○夏許悼公瘞五月戊辰飲犬子止之藥卒止獨進藥不由

醫犬子奔晉書曰弒其君君子曰盡心力以事君

舍藥物可也藥物有毒當由醫非凡人所知議止不捨藥物所以加弒君之名

春秋左傳卷之六

昭公

六

○邾人邠人徐人會宋公乙亥同盟于蟲終宋公伐邠事

○楚子為舟師以伐濮濮南夷也。當在楚之西南境。費無極言於楚

子曰晉之伯也。邇於諸夏而楚辟陋。故弗能與爭。

若大城城父而寘犬子焉城父今襄城城父縣。伯音霸。以通北方。王

收南方。是得天下也。王說從之。故犬子建居于城

父。令尹子瑕聘于秦。拜夫人也。為明年譖犬子張本。改以為夫人遣謝秦。

○秋齊高發帥師伐莒莒不事齊故。莒子奔紀鄆紀鄆莒邑也。東海贛榆縣。

使孫書伐之孫書陳無字之子。子占也。初莒有婦人莒子殺其夫已為嫠婦寡婦為嫠。嫠力之反。及老託

於紀鄆紡焉以度而去之。因紡繡連所紡以度城而藏之。以待外攻者。欲以報讎。紡芳往反度待。

及師至則投諸外投繩城外隨之而出。或獻諸

子占。子占使師夜縋而登緣繩登城。縋直僞反。登者六十人。縋

絕師鼓譟城上之人亦譟。莒共公懼。啓西門而出。

七月丙子齊師入紀傳言怨不在大。

○是歲也鄭駟偃卒。子游娶於晉大夫生絲弱子游弱偃。

其父兄立子瑕子瑕子游叔父駟乞。子產憎其為人也憎子瑕。且

以為不順舍子立叔不順禮也。弗許亦弗止許之為違禮止之為違眾故中。駟氏聳

也。他日絲以告其舅冬晉人使以幣如鄭問駟乞聳懼也。

之立故駟氏懼駟乞欲逃子產弗遣請龜以下亦

弗子大夫謀對子產不待而對客曰鄭國不天不獲天福

寡君之二三臣札瘥夭昏天死曰札小疫曰瘥短折曰夭未名曰昏○周禮大司樂云大札令弛縣

鄭云札疫癘也是札大疫死也瘥才何反子生三月父名之未名謂未三月而死也今又喪我先大夫偃其

子幼弱其一二父兄懼隊宗主私族於謀而立長

親於私放之謀宜立親之長者寡君與其二三老曰抑天實剝亂是

吾何知焉言天自欲亂駟氏非國所知諺曰無過亂門民有兵亂猶

憚過之而况敢知天之所亂今大夫將問其故抑

寡君實不敢知其誰實知之平邱之會在十二年○君過平聲下同

尋舊盟曰無或失職若寡君之二三臣其即世者

晉大夫而專制其位是晉之縣鄙也何國之為辭

客幣而報其使晉人舍之遣人報晉使○使去聲

○楚人城州來沈尹戌曰楚人必敗十三年吳縣州來今就城而取之成莊王

昔吳滅州來曾孫華公諸梁父也○戌音恤子旗請伐之王曰吾未

撫吾民今亦如之而城州來以挑吳能無敗乎侍

者曰王施舍不倦息民五年可謂撫之矣戌曰吾

聞撫民者節用於內而樹德於外民樂其性而無

寇讎今宮室無量民人日駭勞罷死轉轉遷徙也○挑徒了反罷音皮



忘寢與食非撫之也傳言平王所以不能霸

○鄭大水龍鬪于時門之外洧淵時門鄭城門也洧水出滎陽密縣東南至潁川

長平入潁國人請為禱焉子產弗許曰我鬪龍不我覲也龍鬪龍鬪也

覲見也龍鬪我獨何覲焉禳之則彼其室也禳龍之室吾

無求於龍龍亦無求於我乃止也傳言子產之知

○令尹子瑕言蹶由於楚子蹶由吳王弟五年靈王執以歸曰彼

何罪諺所謂室於怒市於色者楚之謂矣言靈王怒吳子而執其弟

猶人忿於室家而作色於市人舍前之忿可也乃歸蹶由言楚子能用善言

經二十年春王正月○夏曹公孫會自鄆出奔宋

無傳嘗有王帛之使來告故書曹邑○秋盜殺衛侯之兄鄭莫公反○在今山東兗州府曹州北

齊豹作而不義故書曰盜所謂求名而不得○冬十月宋華亥向寧華定出奔

陳與君爭而出皆書名惡之○十有一月辛卯蔡侯廬卒無傳未同盟而赴以名

傳二十年春王二月己丑日南至是歲朔旦冬至之歲也當言止月己丑朔日南至

至時史失閏閏更在二月後故經因史而書梓慎望氛氛氣也時曾侯不行登臺之禮

使梓慎曰今茲宋有亂國幾亡三年而後弭蔡有大

喪為宋華向出奔蔡侯卒傳叔孫昭子曰然則戴桓也戴族華氏桓族向氏汰侈

無禮已甚亂所在也傳言妖由人興

○費無極言於楚子曰建與伍奢將以方城之外

叛自以為猶宋鄭也齊晉又交輔之將以害楚其

事集矣王信之問伍奢伍奢對曰君一過多矣納建

何信於讒王執伍奢念奢切言使城父司馬奮揚殺犬

子未至而使遣之知犬子寃故遣令去三月犬子建奔宋王召

奮揚奮揚使城父人執已以至王曰言出於余口

入於爾耳誰告建也對曰臣告之君王命臣曰事

建如事余臣不佞佞才也不能苟貳奉初以還奉初命以周旋不

忍後命故遣之既而悔之亦無及已王曰而敢來

何也對曰使而失命召而不來是再奸也奸犯也奸音干逃

無所入王曰歸從政如他日善其言舍使還無極曰奢之子

材若在吳必憂楚國盍以免其父名之彼仁必來

不然將為患王使召之曰來吾免而父棠君尚謂

其弟負棠君奢之長子尚也為棠邑大夫員向弟子背負音云君或作尹曰爾適吳我將歸


死吾知不逮自以知不及員知音我能死爾能報聞免父之

命不可以莫之奔也親戚為戮不可以莫之報也

奔死免父孝也度功而行仁也仁者貴成功度待洛反擇任而往

知也員任報難知死不辟勇也尚為勇父不可弃俱去為弃父名

不可廢俱死為廢名爾其勉之相從為愈愈差也○比于相從俱死為愈也伍尚



歸奢聞員不來曰楚君大夫其盱食乎將有吳憂不得早食盱古旦

反楚人皆殺之員如吳言伐楚之利於州于州于吳子僚

公子光曰是宗為戮而欲反其讎不可從也光吳公子闔廬

員曰彼將有他志光欲弑僚不利員用事故破其議而員亦知之余姑為之求

士而鄙以待之計未得用故進勇士以求入於光退居邊鄙乃見縛設諸馬縛諸勇士

○見音現縛音專○謂為之約介使之見光也而耕於鄙為二十七年吳弑僚傳

○宋元公無信多私而惡華向華定華亥與向寧

謀曰亡愈於死先諸恐元公殺已華亥偽有疾以誘羣

公子公子問之則執之夏六月丙申殺公子寅公

子御戎公子朱公子固公孫援公孫丁拘向勝向

行於其廩八子皆公黨○援于眷反公如華氏請焉弗許遂劫之劫公

未知諸人已死故猶往請之癸卯取犬子樂與母弟辰公子地以為

質樂景公也辰及地皆元公弟○質音致○辰地皆元公子此云弟傳寫誤耳公亦取華亥之子無

感向寧之子羅華定之子啓與華氏盟以為質為此

向出奔傳

○衛公孟縶狎齊豹公孟靈公兄也齊豹齊惡之子為衛司寇狎輕也奪之司寇與

郵郵豹邑○郵音絹有役則反之無則取之縶足不良故有役則以官邑還豹使行公

孟惡北宮喜褚師圃欲去之喜貞子○褚中呂反公子朝通于

襄夫人宣姜宣姜靈公嫡母懼而欲以作亂故齊豹北宮喜

褚師圃公子朝作亂初齊豹見宗魯於公孟薦達也

現為驂乘焉為公孟驂乘○乘去聲下與乘一乘駟乘同將作亂而謂之曰公

孟之不善子所知也勿與乘吾將殺之對曰吾由

子事公孟子假吾名焉故不吾遠也言子借我以善名故公孟親近我○與遠

聲雖其不善吾亦知之抑以利故不能去是吾過

也今聞難而逃是僭子也使子言不信也子行事乎吾將死

之以周事子周猶終竟也○不泄殺公孟之言是終事子也而歸死於公孟其可

也丙辰衛侯在平壽平壽衛下邑公孟有事於蓋獲之門

外有事祭也蓋獲衛郭門齊子氏帷於門外而伏甲焉齊之家使祝鼂

寘戈於車薪以當門要其前也使一乘從公孟以出亦如前車寘戈

於新尋其後使華齊御公孟宗魯驂乘及閔中閔曲門中○孔疏華齊是公孟

臣自為公孟御非齊氏所當使必不得有使字學者妄加也齊氏用戈擊公孟宗魯以背

蔽之斷肱以中公孟之肩皆殺之公聞亂乘驅自

閔門入慶比御公公南楚驂乘使華寅乘貳車公同車○

斷于管反○孔疏乘驅者乘車而疾驅也及公宮鴻駟駘駟乘

于公鴻駟駘復就公乘一車四人○駟音雷公載寶以出褚師子申遇公于

馬路之衢遂從從公出○從去聲過齊氏使華寅肉袒執蓋

以當其闕

肉袒示不敢與齊氏爭執蓋蔽公而去闕空也以蓋當侍從空闕之處

齊氏射公中南

楚之背公遂出寅閉郭門

不欲令追者出射音石

踰而從公

如死鳥

死鳥衛地

析朱鉏宵從竇出徒行從公

朱鉏成子黑背孫齊

侯使公孫青聘于衛

青項公之孫

既出聞衛亂使請所聘

公曰猶在竟內則衛君也乃將事焉

將事行聘事

遂從諸

死鳥請將事辭曰亡人不佞失守社稷越在草莽

吾子無所辱君命賓曰寡君命下臣於朝曰阿下

執事

阿比也命已使比衛臣下傳氏遜曰阿下親附而卑下之

臣不敢貳

貳違命也

主人曰君

若惠顧先君之好照臨敝邑鎮撫其社稷則有宗

祧在

言受聘當在宗廟也

乃止

止不行聘事

衛侯固請見之

欲與青相見

不獲

命以其良馬見

以為相見之禮馬見音現下同

為未致使故也

未致使故不敢以客禮見

○孔疏客禮見者若已致君命則享有庭實復有私觀私面之禮今為未致使故但以良馬見也

衛侯以為乘馬

喜其敬已故貴其物

賓將擗

擗行夜○擗祖侯反

主人辭曰亡人之憂不可

以及吾子草莽之中不足以辱從者敢辭賓曰寡

君之下臣君之牧圉也若不獲扞外役是不有寡

君也

有相親有

臣懼不免於戾請以除死親執鐸終夕與

於燎

設火燎以備守

齊氏之宰渠子召北宮子

北宮喜也

北宮氏之

宰不與聞謀殺渠子遂伐齊氏滅之丁巳晦公入

與北宮喜盟于彭水之上

喜木與齊氏同謀故公先與喜盟

秋七月戊午

朔遂盟國人八月辛亥公子朝褚師圃子玉霄子

高鮪出奔晉

皆齊氏黨

閏月戊辰殺宣姜

與公子朝通謀故

衛侯賜

北宮喜謚曰貞子

滅齊氏故

賜析朱鉏謚曰成子

皆從公故

而以

齊氏之墓予之

皆未死而賜謚及墓田傳終而言之

衛侯告寧于齊且言子

石子石公孫青言其有禮

齊侯將飲酒徧賜大夫曰二三子之教

也

喜青敬衛侯

苑何忌辭曰與於青之賞必及於其罰

何忌齊大夫尚書

夫言肯若有罪亦當并受其罰○苑於元反

在康誥曰父子兄弟罪不相及

康誥

況在羣臣臣敢貪君賜以干先王

言受賜則犯康誥之義

琴張聞

宗魯死

琴張孔子弟子字子開名牟

將往弔之仲尼曰齊豹之盜而

孟縶之賊女何弔焉

言齊豹所以為盜孟縶所以見賊皆由宗魯

君子不食姦

知公孟不善而受其祿是食姦也

不受亂

許豹行事是受亂也

不為利疚於回

疚病回邪也以利故不能

去是病身以邪○為去聲

不以回待人

知難不告是以邪待人

不蓋不義

以周事豹是蓋不義不

犯非禮

以二心事紮是非禮

○宋華向之亂公子城平公公孫忌樂舍舍樂司馬疆

向宜向鄭

宜鄭皆向戌子

楚建

楚平王之亡太子

邾甲

小邾穆公子

出奔鄭八子

夫皆公黨辟難出

其徒與華氏戰于鬼閭

八子之徒眾也潁川長平縣西北有閭亭○今陳州西華子城為華氏所敗別走至晉為明年子城以晉師至起木

縣東北則魯亭城是也屬河南開封府

敗子城子城適晉

子城為華氏所敗別走至晉為明年子城以晉師至起木

華亥與其妻必盟而食所質公子者而後食公與夫人每日必適華氏食公子而後歸華亥患之欲歸公子向寧曰唯不信故質其子若又歸之死無日矣公請於華費遂將攻華氏費遂大司馬華氏族而食音嗣下同質音致○費扶味反對曰臣不敢愛死無乃求去憂而滋長乎恐殺大子憂益長○長上聲臣是以懼敢不聽命公曰子死而有命余不忍其詢詢恥也○詢許候反冬十月公殺華向之質而攻之戊辰華向奔陳華登奔吳登費遂之子黨華向首向寧欲殺大子華亥曰干君而出又殺其子其誰紂我且歸之有庸

可以為功善使少司寇輕以歸以三公子歸公也輕華亥庶兄○輕苦耕反曰子之齒

長矣不能事人以三公子為質必免質信也送公子歸可以自明不叛之信○

質如字公子既入華輕將自門行從公門去公遽見之執其手

曰余知而無罪也入復而所而女也所所居官

○齊侯疥遂疢疢瘧疾○赤音戒疢失廉反期而不瘳諸侯之賓問

疾者多在多在齊○期音基梁邱據與裔款二子齊嬖大夫言於公曰

吾事鬼神豐於先君有加矣今君疾病為諸侯憂

是祝史之罪也諸侯不知其謂我不敬君盍誅於

祝固史嚚以辭賓欲殺嚚固以辭謝來問疾之賓公說告晏子晏子曰

日宋之盟

日往日也宋盟在襄二十七年

屈建問范會之德於趙武趙

武曰夫子之家事治言於晉國竭情無私其祝史

祭祀陳信不愧其家事無猜其祝史不祈

家無猜疑之事故祝史無

求於鬼神建以語康王楚康王曰神人無怨宜夫子之光

輔五君以為諸侯主也五君文襄靈成景公曰據與款謂寡

人能事鬼神故欲誅於祝史子稱是語何故對曰

若有德之君外內不廢無廢事上下無怨動無違事其

祝史薦信無愧心矣君有功德祝史陳說之無所愧是以鬼神用饗國

受其福祝史與焉與受國福其所以蕃祉老壽者為信君

使也其言忠信於鬼神其適遇淫君外內頗邪上

下怨疾動作辟違從欲厭私使私情厭足。頗音何反從子用反下淫從同高臺

深池撞鍾舞女斬刈民力輸掠其聚掠奪取也。掠音亮撞直江反。孔疏輸

隨也故為墮毀奪其所聚之物以成其違不恤後人暴虐淫從肆行非

度無所還忌還猶顧也不思謗讟不憚鬼神神怒民痛無

悛於心其祝史薦信是言罪也以實白神是為言君之罪其蓋失數

美是矯誣也蓋掩也。數所主反進退無辭則虛以求媚作虛辭以求媚

於神是以鬼神不饗其國以禍之祝史與焉所以天

昏孤疾者為暴君使也其言僭慢於鬼神公曰然



則若之何對曰不可為也言非誅祝史所能治山林之木衡鹿

守之澤之萑蒲舟鮫守之藪之薪蒸虞侯守之海

之鹽蜃祈望守之衡鹿舟鮫虞侯祈望皆官名也言公專守山澤之利不與民共○萑音丸鮫音交麓曰薪細曰

蒸縣鄙之人入從其政偪介之關暴征其私介隔也迫近國

都之關言邊鄙既入服政役又承嗣大夫強易其賄承嗣大夫世位者○強其

反布常無藝藝法制也言布政無法制徵斂無度宮室日更淫樂不

違違去也內寵之妾肆奪於市肆於外外寵之臣僭令於鄙

詐為教令於邊鄙私欲養求不給則應養長也所求不給則應之以罪○長上聲民人苦

病夫婦皆詛祝有益也詛亦有損假使祝史能祝其君果有益而得福則彼夫

婦皆詛其君亦能有損而名禍祝之又反下同聊攝以東聊攝齊西界也平原聊城縣東北有攝城○今聊城屬山東東昌府姑

尤以西姑尤齊東界也姑水尤水皆在城陽郡東南入海○姑水即山東登州府黃縣之大姑河尤水即山東萊州府掖縣之小姑河

其為人也多矣雖其善祝豈能勝億兆人之詛萬億曰兆

政毀關去禁薄斂已責除逋責○責本作債同

○十二月齊侯田于沛言疾愈行獵沛澤名招虞人以弓不進

大夫弓以招士皮冠以招虞人臣不見皮冠故不

敢進乃舍之仲尼曰守道不如守官君招當往道之常也非物不遵官之制也

君子之... 卷之三

君子躔之躔是也。躔于鬼反。齊侯至自田晏子侍于遄臺子

猶馳而造焉子猶梁邱據公曰唯據與我和夫晏子對曰

據亦同也焉得為和公曰和與同異乎對曰異和

如羹焉水火醯醢鹽梅以烹魚肉燂之以薪燂炊也。燂草濟益也。燂滅也。

宰夫和之齊之以味濟其不及以洩其過濟益也。洩滅也。

君子食之以平其心君臣亦然亦如君所謂可而

有否焉否不臣獻其否以成其可獻君之否以成君可君所謂否

而有可焉臣獻其可以去其否是以政平而不干

民無爭心故詩曰亦有和羹既戒既平詩頌殷中宗言中宗能與賢者

和齊可否其政如羹敬戒且和羹備五味異於六羹酸嘏無言時靡有爭酸總也。嘏大也。言總大政能使

上下皆如和羹酸嘏古雅父先王之濟五味濟成也和五聲也以平其

心成其政也聲亦如味一氣須氣以動。孔疏一氣不止為鼓吹人以氣生動皆由氣彈絲

擊石其不用氣氣足擊石其不用氣氣足一體舞執羽籥武舞執干戚舞者有文武之二體三類

風雅頌樂以歌詩為主一國之事諸侯之詩為風天下雜用四方之物以成器。器謂

之事天子之詩為雅成功告神為頌是三者類別各不同四物雜用四方之物以成器。器謂

八音之器也五聲宮商角徵羽六律黃鍾大簇姑洗蕤賓夷則無射也。陽聲為律陰聲為呂此十二月氣。蕤七豆反。蕤人誰

反射七音周武王伐紂自午及子凡七日王因此以數合之以聲昭之故以音亦七同其數以律和其聲謂之七音。五聲以外更加變宮變徵為

音八風八方九歌九功之德皆可歌也。六府三事謂之九功以相成也言此九者合然後相成為和樂

清濁小大短長疾徐哀樂剛柔遲速高下出入周

春秋傳注卷三

昭公

賦

疏以相濟也

周密也。孔疏周疏以上凡十事皆兩字相對其義相反乃言樂聲如此相反以成音曲猶羹之水火相反人

之和而不同也

君子聽之以平其心心平德和故詩曰德音

不瑕

詩豳風也義取心平則德音無瑕闕

今據不然君所謂可據亦曰可君

所謂否據亦曰否若以水濟水誰能食之若琴瑟

之專壹誰能聽之同之不可也如是飲酒樂公曰

古而無死其樂若何晏子對曰古而無死則古之

樂也君何得焉昔爽鳩氏始居此地

爽鳩氏少皞氏之司寇也

季煎

因之

季煎虞夏諸侯代爽鳩氏者。煎仕側反

有逢伯陵因之

逢伯陵殷諸侯姜姓

蒲姑

氏因之

蒲姑氏殷周之間代逢公者

而後大公因之古若無死爽鳩

氏之樂非君所願也

齊侯甘於所樂志於不死晏子稱古以節其情願

○鄭子產有疾謂子大叔曰我死子必為政唯有

德者能以寬服民其次莫如猛夫火烈民望而畏

之故鮮死焉水懦弱民狎而翫之

狎輕也

則多死焉故

寬難

難治

疾數月而卒大叔為政不忍猛而寬鄭國

多盜取人於萑苻之澤

萑苻澤名於澤中劫人。苻音蒲

大叔悔之曰吾

早從夫子不及此興徒兵以攻萑苻之盜盡殺之

盜少止仲尼曰善哉政寬則民慢慢則糾之以猛

糾猶攝也猛則民殘殘則施之以寬寬以濟猛猛以濟寬

政是以和詩曰民亦勞止汔可小康惠此中國以

綏四方施之以寬也詩大雅其也康綏皆安也周厲王暴虐民勞於苛政故詩人刺之欲其施之以寬○汔

毋從詭隨詭人隨人無正心不可從○從子用反註同以謹無良謹勅式遏寇

虐慘不畏明糾之以猛也式用也遏止也慘曾也言為寇虐曾不畏明法者亦當用猛政糾治之

柔遠能邇以定我王平之以和也柔安也邇近也遠者懷附近者各以能進則王室定

又曰不競不綌不剛不柔詩殷頌曰湯政得中布政優優

百祿是道優優和也和之至也及子產卒仲尼聞之

出涕曰古之遺愛也子產見愛有古人之遺風

經二十有一年春王三月葬蔡平公○夏晉侯使

士鞅來聘晉頃公即位通嗣君○宋華亥向寧華定自陳入于

宋南里以叛自外至故曰入披其邑故曰叛南里宋城內里名○在今河南歸德府商邱縣境○秋七月

壬午朔日有食之○八月乙亥叔輒卒叔弓之子伯張○冬

蔡侯朱出奔楚朱為太子則失位遂微弱為國人所逐故以自出為文○公如晉至河

乃復晉人辭公故還

傳二十一年春天王將鑄無射周景王也無射鐘名律中無射○射音亦○其聲於律應

夫樂天子之職也職所主也夫音樂之興也樂因音而行而鐘音

之器也音由器以發天子省風以作樂省風俗作樂以移之器以鐘之

鐘聚也。以樂須音輿以行之而小者不窕窕細不滿窕他彫反大者不

耳而藏於心。心億則樂倚安也窕則不成不充滿人心故和聲入於

容心不堪容心是以感感實生疾。今鐘楸矣。王心弗堪其

能久乎為明年天王崩傳

○三月葬蔡平公。蔡犬子朱失位。位在卑不在適子位以長幼意

大夫送葬者歸。見昭子。昭子問蔡故。以告昭子。歎

曰：蔡其亡乎？若不亡，是君也。必不終。詩曰：不解于

位，民之攸暨詩大雅暨息也。今蔡侯始即位而適卑，身將從

之為蔡侯朱出奔傳

○夏，晉士鞅來聘。叔孫為政叔孫昭子以三命為國政。季孫欲惡諸

晉憎叔孫在已上位欲使得罪於晉。使有司以齊鮑國歸費之禮為士

鞅鮑國歸費在十四年。牢禮各如其命數。魯人失禮故為鮑國七年。故為于偽反。鮑國齊卿。三命法當三年。士鞅怒曰：

鮑國之位下，其國小，而使鞅從其牢禮，是卑敝邑

也。將復諸寡君。魯人恐，加四牢焉。為十一牢言魯不能以禮

事大國且為哀七年吳徵百年起

○宋華費遂生華。羆、華多僚。華登，羆為少司馬。多

僚為御士公御士。羆勅俱反。與羆相惡。乃譖諸公曰：羆將納

春秋傳士生卷三昭公

省南

國立公文書館 National Archives of Japan

亡人亡人華亥等 亟言之公曰司馬以吾故亡其良子司馬

遂為大司馬良子謂 死亡有命吾不可以再亡之對曰君

若愛司馬則如亡君若愛大司馬則當亡走失國言不知出亡也 死如可逃何遠

之有言亡可以逃死勿慮其遠以恐動公 公懼使侍人召司馬之侍人宜僚

飲之酒而使告司馬告司馬使逐龜 司馬歎曰必多僚也吾

有讒子而弗能殺吾又不死抑君有命可若何乃

與公謀逐華龜將使田孟諸而遣之公飲之酒厚

酬之酬酒幣 賜及從者司馬亦如之亦如公賜 張句尤之張句華龜尤

性賜之厚 曰必有故使子皮承宜僚以劍而訊之子皮華龜訊問也 宜

僚盡以告告欲因田以遣之 張句欲殺多僚子皮曰司馬老

矣登之謂甚言登亡傷司馬心已甚 吾又重之不如亡也五月丙

申子皮將見司馬而行則遇多僚御司馬而朝張

句不勝其怒遂與子皮白任鄭翩殺多僚任朝亦龜家臣○任音壬

劫司馬以叛而召亡人壬寅華向入樂大心豐愆

華輕禦諸橫梁國睢陽縣南有橫亭 華氏居盧門以南里叛盧門宋東城南

門林城 六月庚午宋城舊鄘及桑林之門而守之舊鄘故城也桑

○秋七月壬午朔日有食之公問於梓慎曰是何

宋火三傳生卷三

昭公

臣

物也。禍福何為也。物事也。對曰：二至二分。二至，冬至夏至。二分，春分秋分。日有

食之，不為災。日月之行也，分同道也。至相過也。二分，日夜。

等故言同道。二至長短極故相過。孔疏：春分之時，朔則日在婁，望則日在角。秋分之時，朔則日在角，望則日在婁。婁角是天之中道，日月俱從中道，故晝夜等。似有體敵之理，月可敵日。冬至之時，朔則日在斗，望則日在井。夏至之時，朔則日在井，望則日在斗。斗井南北，晝夜長短之極，似若月之極長，可以掩日。然相過，謂絕相懸殊也。其他月則為災。陽不克也。故常為水。陰侵陽是陽不勝陰。孔疏：莊二十三年六月日食，秋大水。此二十四年五月日食，梓慎曰：將水。昭子曰：旱也。其年八月大雩，旱也。又七年四月甲辰朔日食，春分之日而云魯衛惡之，常水之言，既無其驗，足知是賢聖假託日食以為戒耳。於是叔輒哭日食。意在子憂災。昭子

曰：子叔將死，非所哭也。八月，叔輒卒。

○冬，十月，華登以吳師救華氏。登，前年奔吳。齊烏枝鳴戍。

宋烏枝鳴廚人濮曰：濮，宋廚邑大夫。軍志有之，先人有奪人之

心，後人有待其衰，盍及其勞且未定也。伐諸，若入

而固，則華氏眾矣，悔無及也。從之。丙寅，齊師宋師

敗吳師于鴻口。梁國睢陽縣東有鴻口亭。今在歸德府商邱虞城二縣界。先後並去聲。獲其二帥。

公子苦雒，偃州員。二帥，吳大夫。雒，古含反。員，音云。華登帥其餘，以

敗宋師。公欲出，廚人濮曰：吾小人，可藉死。可，借使死難。

而不能送亡君，請待之。請，君待復戰，決勝負。乃徇曰：揚徽者，公

徒也。徽，識也。識，本又作幟。令其各自揚徽，欲知其助公多少。眾從之。公自揚門見之。見國人皆

揚徽，睢陽正東門名揚門。下而巡之，曰：國亡君死，二三子之恥也。豈

專孤之罪也。齊烏枝鳴曰：用少莫如齊，致死齊致。

死莫如去備。備長兵也。彼多兵矣，請皆用劍，從之。華氏北

復，即之。走敗。廚人濮以裳裹首，而荷以走，曰：得華登

矣，遂敗華氏于新里。新里，華氏所取邑。翟僂新居于新里，既

戰，說甲于公而歸。居華氏地而助公戰。僂，力主反說他活反。華姓居于公里

亦如之。姓華氏族，故助華氏。亦如僂，新說甲歸傳言古之為軍，不苦小忿。姓他口反，此本又作皆。十一月癸

未，公子城以晉師至。城以前年奔晉，今還救宋。曹翰、胡會、晉荀吳

氏戰于赭邱。赭邱，宋地。赭音者。後漢志：陳國長平縣有赭邱城，應在今河南開封府陳州西北境。鄭翩願

為鸛，其御願為鷩。鄭翩，華氏黨。鷩，鷩皆陳名。子祿御公子城，莊董為

右。子祿，向宜。董音謹。干犢御呂封人華豹，張句為右。呂封人，華豹。華氏黨。犢，反。將注

豹則關矣。注：傳矢，關引弓。關，鳥環反。傳音附。曰：平公之靈尚輔相余。平公，公子

豹射出其間。出子城子。祿之間。將注則又關矣，曰：不狎鄙

狎更也。更音庚。城謂豹女頻。狎，更也。更音庚。城謂豹女頻。射我不使我得，更遞是為鄙也。抽矢，城射之，殪。張句抽

矢而下。長丈二。在車邊。射之折股，扶伏而擊之，折軫。折城車軾。扶伏，竝

又射之，死。干犢請一矢，城曰：余言女

於君，不死，伍乘軍之大刑也。同乘，共伍當皆死。乘，去聲。干

如字，又或作匍匐同。

欲活。

欲活。

欲活。

欲活。



刑而從子君焉用之子速諸乃射之殪殪又死大敗華

氏圍諸南里華亥搏膺而呼見華羆曰吾為欒氏

矣晉欒盈還入作亂而死事在襄二十三年○呼去聲羆曰子無我廷不幸而後亡也

廷求枉反使華登如楚乞師華羆以車十五乘徒七十人

犯師而出犯公師出送華登食於睢上哭而送之乃復入

雖音楚遠越帥師將逆華氏犬宰犯諫曰諸侯唯宋

事其君今又爭國釋君而臣是助無乃不可乎王

曰而告我也後既許之矣為明年華向出奔楚傳

○蔡侯朱出奔楚費無極取貨於東國東國隱太子之子平公之弟

朱叔父也而謂蔡人曰朱不用命於楚君王將立東國若

不先從王欲楚必圍蔡蔡人懼出朱而立東國朱

愬于楚楚子將討蔡無極曰平侯與楚有盟故封

盟于鄧依陳蔡人以盟其子有二心故廢之子謂朱也靈王殺隱太子其

子與君同惡德君必甚又使立之不亦可乎且廢

置在君蔡無他矣言權在楚則蔡無他心

○公如晉及河鼓叛晉叛晉屬鮮虞晉將伐鮮虞故辭公

將有軍事無暇於待賓且懼泄軍謀

經二十有二年春齊侯伐莒○宋華亥向寧華定

自宋南里出奔楚

言自南里別從國去。別彼列反。

○大蒐于昌間

無傳

○夏四月乙丑天王崩○六月叔鞅如京師葬景

王叔鞅叔弓子三月而葬亂故速

○王室亂

承叔鞅言而書之未知誰是故但曰亂

劉子單子以

王猛居于皇

河南鞏縣西南有黃亭辟子朝難出居皇王猛書名未即位。京相璠曰黃亭在訾城北三里今屬河南河南府

秋劉子單子以王猛入于王城

王城邠鄘今河南縣晉助猛故得還王都。故王城在今

河南府洛陽縣城內西偏

○冬十月王子猛卒

未即位故不言崩

○十有二月

癸酉朔日有食之

無傳此月有庚戌又以長歷推校前後當為癸卯朔書癸酉誤

傳二十二年春王二月甲子齊北郭啓帥師伐莒

啓齊大夫北郭佐之後

莒子將戰苑羊牧之諫

牧之莒大夫苑於元反

曰齊帥賤

其求不多不如下之六國不可怒也弗聽敗齊師

于壽餘

莒地。當在山東青州府安邱縣境

齊侯伐莒

怒

莒子行成司馬

寵如莒涖盟

寵齊大夫

莒子如齊涖盟盟于稷門之外

稷門齊城

也莒于是乎大惡其君

為明年莒子來奔傳

○楚薳越使告于宋曰寡君聞君有不令之臣為

君憂無寧以為宗羞

無寧寧也言華氏為宋宗廟之羞恥

寡君請受而戮

之對曰孤不佞不能媚於父兄

華向公族也故稱父兄

以為君憂

拜命之辱抑君臣日戰君曰余必臣是助亦唯命

人有言曰唯亂門之無過君若惠保敝邑無亢不

衷以獎亂人

○過平聲孔疏亢高也衷善也獎勸也無高貴不善之事以勸亂人為惡也

孤之望也

唯君圖之楚人患之

患宋以義距之

諸侯之戍謀曰若華氏

知困而致死楚恥無功而疾戰非吾利也不如出

之以為楚功其亦無能為也已

言華氏不能復為宋患

救宋而除

其害又何求乃固請出之宋人從之己巳宋華亥

向寧華定華貙華登皇奄傷省臧士平出奔楚

華以下

五子不書非卿

宋公使公孫忌為大司馬

代華曹遂

邊卬為大司徒

印平公曾孫代華定

樂祁為司城

祁子罕孫樂祁犁

仲幾為左師

幾仲江孫代向寧○幾音

樂大心為右師

代華亥

樂輓為大司寇

輓子罕孫

以靖國人

紘梓慎之言三年而後弭

○王子朝賓起有寵於景王

子朝景王之長庶子賓起子朝之傅○朝如字凡人名字皆張

遙反或云朝錯是王子朝之後音潮案錯姓亦有兩音

王與賓孟說之欲立之

孟即起也王語賓孟欲立

子朝為大子○說如字

劉獻公之庶子伯蚩事單穆公

獻公劉摯伯蚩劉秋穆公單旗

○蚩扶粉反

惡賓孟之為人也願殺之又惡王子朝之言

以為亂願去之

子朝有欲立之言故劉蚩惡之

賓孟適郊見雄雞自斷

其尾問之侍者曰自憚其犧也

畏其為犧牲奉宗廟故自殘毀○斷丁管反

遽

歸告王且曰雞其憚為人用乎人異於是

雞犧雖見寵飾然卒當見

殺若人見寵飾則當貴盛故言異於雞

犧者實用人人犧實難己犧何害

言設使寵

人如寵儀則不宜假人以招禍難使儀在已則無患害已喻子朝欲使王早寵異之○難去聲○孔疏言寵愛為儀者依法用牲今寵愛為儀者乃實用人有親疎若疎人被寵愛為儀實為親難若已家親屬寵愛如儀有何患害也

未定賓孟感雞盛稱子朝王心許之故不應

夏四月王田北山使公卿皆從將殺單子劉子

北山洛北芒也王知單劉不欲立子朝欲因田獵先殺之○芒山今在河南府城洛陽縣東北連偃師孟津鞏

王有心疾乙丑崩于榮錡氏

四月十九日河南鞏縣西有榮錡澗○錡魚綺反○今屬

戊辰劉子摯卒無子單子立劉奩

五月庚辰見王遂攻賓起殺之

盟羣王子于單氏

晉之取鼓也既獻而反鼓子焉

又叛於鮮

者負甲以息於昔陽之門外

遂襲鼓滅

之以鼓子為鞮歸使涉佗守之

○丁巳葬景王王子朝因舊官百工之喪職秩者

與靈景之族以作亂

王子還夜取王以如莊宮

王子還與召莊公

謀不殺單旗不捷

與之重盟必來背

○要平聲

錢賤淺反

虞叛晉屬鮮虞

六月荀吳畧東陽

畧行也東陽晉之山東邑魏郡廣平以北

使師偽糴

者負甲以息於昔陽之門外

昔陽故肥子所都○糴音狄

遂襲鼓滅

之以鼓子為鞮歸使涉佗守之

守鼓之地涉佗晉大夫○佗徒多反

○丁巳葬景王王子朝因舊官百工之喪職秩者

與靈景之族以作亂

百二百官也靈王景王之子孫

帥郊要餞之甲

三邑周地

王子還夜取王以如莊宮

王子還

王子還與召莊公

謀不殺單旗不捷

與之重盟必來背

○要平聲

錢賤淺反

王子還夜取王以如莊宮

王子還

王子還與召莊公

謀不殺單旗不捷

與之重盟必來背

○要平聲

錢賤淺反

春秋左傳卷三十四

昭公

夫

盟而克者多矣從之從還謀也樊頃子曰非言也必不克

頃子樊齊單劉遂奉王以追單子王子還及領大盟而復

領周地欲重盟令殺摯荒以說委罪於荒劉子如劉歸其采邑單子亡

乙丑奔于平時平時周地知王子還欲背盟故亡走羣王子追之單子

殺還姑發弱駿延定稠八子靈景之族子朝奔京其黨死故丙

寅伐之單子伐京京人奔山劉子入于王城子朝奔京故得入辛未

鞏簡公敗績于京乙亥廿平公亦敗焉甘鞏二公周卿士皆為子朝所敗

叔鞅至自京師葬景王還言王室之亂也經所閔馬父曰子

朝必不克其所與者天所廢也閔馬父閔于馬魯大夫天所廢謂羣喪職秩者單

子欲告急於晉秋七月戊寅以王如平時遂如圃

車次于皇出次以示急戊寅七月三日經書六月誤也劉子如劉單子使王子

處守于王城王子處于猛黨守王城距子朝盟百工于平宮平宮平王廟辛卯

鄆肸伐皇鄆肸子朝黨大敗獲鄆肸壬辰焚諸王城之

市校鄆八月辛酉司徒醜以王師敗績于前城醜悼王司徒前

城于朝百工叛司徒醜己巳伐單氏之宮敗焉百工伐單氏為單氏所敗

庚午反伐之單氏反辛未伐東園百工所在洛陽東南有園鄉路史周地有東園西園東

園即圍鄉在今洛陽縣東南冬十月丁巳晉籍談荀躒帥九州之戎

九州戎陸渾戎十七年滅屬晉州鄉屬也五州為鄉及焦瑕温原之師焦瑕温原晉四邑以納王

于王城丁巳在十月經書秋誤庚申單子劉蚩以王師敗績于郊

為子朝之黨所敗前城人敗陸渾于社前城子朝眾社周地十一月乙酉

王子猛卒乙酉在十一月經書十月誤不成喪也釋所以不稱王崩已

丑敬王即位敬王王子猛母弟王子匄館于子旅氏子旅周大夫十二月庚

戌晉籍談荀躒賈辛司馬督司馬烏帥師軍于陰籍談所軍于

候氏荀躒所軍疑即候氏于谿泉賈辛所軍鞏縣西南有明谿泉次于社司馬督所次王師

軍于汜于解次于任人王師分在三邑洛陽西南有大解小解汜音凡解音蟹任音壬後漢書洛陽

大解城在今洛陽縣南小解城在縣西南閏月晉箕遺樂徵右行詭濟師取前

城三子晉大夫濟師渡伊洛軍其東南王師軍于京楚辛丑伐京毀

其西南京楚子朝所在

春秋左傳杜注卷第二十四

春秋左傳杜注卷第二十五

華亭姚培謙學

昭公

經二十有三年春王正月叔孫婍如晉謝取○癸丑

叔鞅卒無傳。叔弓之子。輒之弟也。子詣嗣為大夫。○晉人執我行人叔孫婍

稱行人譏晉執使人○晉人圍郊討子朝也。郊周邑。圍郊在叔鞅卒前。經書後從赴。○夏六月蔡

侯東國卒于楚無傳。未同盟而赴以名。○秋七月莒子庚與來奔

○戊辰吳敗頓胡沈蔡陳許之師于雞父不書楚楚不戰也。雞父楚

地。安豐縣南有雞備亭。今江南鳳陽府壽州西南六十里有安豐故城雞備亭。又在其城西南。胡子髡沈子逞滅

國雖存君死曰滅獲陳夏齧大夫死生通曰獲天王居于狄泉敬王辟子

朝尹氏周世卿也書尹氏立子朝明非周人所欲立○八月乙未地震○冬公如晉

至河有疾乃復

傳二十三年春王正月壬寅朔二師圍郊二師王師晉師也王師不

以告癸卯郊鄩潰河南鞏縣西南有地名鄩中郊鄩二邑皆子朝所得括地志云鄩城在鞏縣西南五十八里丁

未晉師在平陰王師在澤邑平陰今河南陰縣故城在今河南府孟津東一里王使

告闕子朝敗故庚戌還晉師還

○邾人城翼翼邾邑還將自離姑離姑邾邑從離姑則道徑魯之武城徑音經離姑在今山

東兗州府費縣故武城之南公孫鉏曰魯將御我鉏邾大夫欲自武城還循

山而南至武城而還依山南行不欲過武城徐鉏邱弱茅地三子邾大夫曰道下

遇雨將不出是不歸也謂此山道下溼遂自離姑遂過武城武城人

塞其前以兵塞其前道孔疏此所塞之處必有隘道當是已過武城之邑未出武城之竟故得塞其前斷其後而攻取之斷

其後之木而弗殊斷丁管反殊絕也邾師過之乃推而蹶之

○蹶音厥仆也及邾師既過斷木之地乃推斷木而蹶仆於地以絕邾師走路遂取邾師獲鉏弱地取邾師不

書非公命邾人愬于晉晉人來討叔孫婼如晉晉人執之

書曰晉人執我行人叔孫婼言使人也嫌內外異故重發傳使去聲

晉人使與邾大夫坐坐訟曲直叔孫曰列國之卿當小國



之君固周制也在禮卿得會伯子男故曰當小國之君邾又夷也邾雜有東夷之風寡

君之命介子服回在子服回魯大夫為叔孫之介副請使當之不敢廢

周制故也乃不果坐韓宣子使邾人聚其眾將以

叔孫與之與邾使執之叔孫聞之去眾與兵而朝示欲以身死士

彌牟謂韓宣子彌牟士景伯曰子弗良圖而以叔孫與其

讎叔孫必死之魯亡叔孫必亡邾邾君亡國將焉

歸時邾君在晉若亡國無所歸將益晉憂子雖悔之何及所謂盟主討違

命也若皆相執焉用盟主聽邾眾取叔孫是為諸侯皆得輒相執乃弗與

使各居一館分別叔孫子服回欲各聽其辭恐其相教示也士伯聽其辭而愬諸

宣子乃皆執之二子辭不屈故士伯愬而執之孔疏魯人實取邾師二子辭不屈者蓋以朝聘征伐過他國必假道乃

行邾不假道是邾亦合責也士伯御叔孫從者四人過邾館以如吏

難從者之病將館子於都都別都謂箕也叔孫旦而立期焉

立待命也從旦至旦為期期居其父乃館諸箕舍子服昭伯於他邑別曰范

獻子求貨於叔孫使請冠焉以求冠為辭取其冠法而與

之兩冠曰盡矣既送作冠模法又進二冠以與之偽若不解其意為叔孫故申豐以

貨如晉欲行貨以免叔孫叔孫曰見我吾告女所行貨見而

不出留申豐不使得出不欲以貨免吏人之與叔孫居於箕者請其吠

狗弗與及將歸殺而與之食之示不愛叔孫所館者雖

一日必葺其牆屋葺補治也去之如始至不以當去而有所毀壞

○夏四月乙酉單子取訾劉子取牆人直人三邑屬子朝者

此邑在河南鞏縣西南。訾子斯反。有西訾東訾皆在河南府鞏縣。六月壬午王子朝入于尹

自京入尹氏之邑。癸未尹圉誘劉佗殺之尹圉尹文公也劉佗劉佗族故王黨。佗徒河反。丙

戌單子從阪道劉子從尹道伐尹單子先至而敗

劉子還單子敗故已丑召伯奭南宮極以成周人戌尹二子

士子朝黨奭名莊公庚寅單子劉子樊齊以王如劉辟子朝出居劉子邑。樊齊即

子朝黨甲午王子朝入于王城次于左巷近東秋七月戊

申鄆羅納諸莊宮鄆羅周大夫鄆胎之子尹辛敗劉師于唐尹辛唐氏族

周地。後漢志洛陽有唐聚在今河南府洛陽縣東。丙辰又敗諸鄆甲子尹辛取西

闕西闕周地丙寅攻蒯蒯潰河南縣西南蒯鄉是也於是敬王居狄泉尹氏立子朝。晉地道記曰河南縣西南有蒯

蒯縣山南○莒子庚與虐而好劔苟鑄劔必試諸人國人患

之又將叛齊烏存帥國人以逐之烏存莒大夫庚與將出

聞烏存執爰而立於道左懼將止死爰長丈二而無刀苑羊

牧之曰君過之牧之亦莒大夫烏存以力聞可矣何必以弒

君成名遂來奔齊人納郊公郊公著邱公之子十四年奔齊

○吳人伐州來楚遠越帥師令尹以救從戎及諸侯之

師奔命救州來吳人禦諸鍾離子瑕卒楚師燿即令

於楚者眾而皆小國也畏楚而不獲已是以來吾

聞之曰作事威克其愛雖小必濟克勝也軍胡沈之

君幼而狂狂無陳大夫鬻壯而頑頓與許蔡疾楚政

楚令尹死其師燿帥賤多寵政令不壹帥賤遠越非正

無大威命楚可敗也若分師先以犯胡沈與陳必

政令不壹政令不壹於越七國同役而不同心七國楚頓胡帥賤而不能整

先奔三國敗諸侯之師乃搖心矣諸侯乖亂楚必

大奔請先者去備薄威示之以不後者敦陳整旅敦厚

吳子從之戊辰晦戰于雞父七月二十九日違兵吳子

以罪人三千先犯胡沈與陳因徒不習戰三國爭之吳

為三軍以繫於後中軍從王從吳光帥右掩餘帥左

與蔡頓曰吾君死矣師譟而從之三國奔三國許蔡頓

楚師大奔書曰胡子髡沈子逞滅獲陳夏齧君臣

之辭也

國君社稷之主與宗廟共其存亡者故稱滅大夫輕故曰獲獲得也

不言戰楚未陳也

媿與陳例相涉故重發之

○八月丁酉南宮極震

經書乙未地動魯地也丁酉南宮極震周地亦震也為屋所壓而死

葛弘

謂劉文公曰君其勉之先君之力可濟也

文公劉蚘也先君謂蚘之

父獻公也獻公亦欲立子猛未及而卒

周之亡也其三川震

謂幽王時也三川涇渭洛水也地動川岸崩

今西王之大臣亦震天弃之矣

子朝在王城故謂西王

東王必大

克

敬王居狄泉在王城之東故曰東王

○楚犬子建之母在郟

郟郟陽也平王娶秦女廢犬子建故母歸其家。郟古閔反

召吳

人而啓之冬十月甲申吳犬子諸樊入郟

諸樊異工僚之犬子。顧

氏炎武曰諸樊乃王僚之伯父不應太子與之同名且僚子尚幼此必諸樊之太子光正義亦以為傳寫之誤

取楚夫人與

其寶器以歸楚司馬遠越追之不及將死衆曰請

遂伐吳以徼之

徼要其勝負。微占楚反

遠越曰再敗君師死且有

罪

此年秋敗於雞父設往復敗為再敗

亡君夫人不可以莫之死也乃縊

於遠澨

遠澨楚地。在今湖廣安陸府京山縣

○公為叔孫故如晉及河有疾而復

此年春晉為邾人執叔孫故公如晉謝之

○楚囊瓦為令尹

囊瓦子囊之孫子常也代陽句

城郢

楚用子囊遺言以郢城矣今畏吳復增脩以自固

沈尹戌曰子常必亡郢苟不能衛城無益也古者

天子守在四夷

德及遠。守除下守其皆去聲

天子卑守在諸侯

政卑損諸

春秋傳卷之三

侯守在四鄰鄰國為之守諸侯卑守在四竟竟自慎其四竟

結其四援結四鄰之國為援助。援于春反。民狎其野狎安習也。三務成功春夏秋三

時之民無內憂而又無外懼國焉用城今吳是懼而

城於郢守已小矣卑之不獲能無亡乎不獲守四竟。欲如諸侯卑之

守在四竟而在僖十年昔梁伯溝其公宮而民潰八年民奔其上

不亡何待夫正其疆場脩其土田險其走集走集邊竟之壘

壁。場音亦。親其民人明其伍候使民有部伍相為候望信其鄰國慎其

官守守其交禮交接之禮不僭不貪不懦不耆懦弱也耆強也。懦乃亂反耆

巨支反。孔疏不僭不貪不耆謂不往侵鄰國也不懦謂不使人侵己也。完其守備以待不虞又何

畏矣詩曰無念爾祖聿脩厥德詩大雅無念念也聿述也義取念祖考則述治其德

以顯之無亦監乎若敖蚡冒至于武文四君皆楚先君之賢者土不過

同方百里為一圻言未滿一圻慎其四竟猶不城郢今土數圻方千里為圻

而郢是城不亦難乎言守若是難以為安也為定四年吳入楚傳

經二十有四年春王二月丙戌仲孫矍卒無傳孟僖子也。矍侯縛

反。子何忌嗣為大夫○媯至自晉喜得赦歸故書至○夏五月乙未朔日

有食之○秋八月大雩○丁酉杞伯郁釐卒無傳未同盟而

赴以名丁酉九月五日有日無月。釐方之反○冬吳滅巢楚邑也書滅庸大師。巢吳楚間小國楚取之以為附庸

葬杞平公無傳

春秋傳卷之三

昭公

七

德榮

傳二十四年春王正月辛丑召簡公南宮嚳以甘

桓公見王子朝簡公召莊公之子召伯盈也嚳南宮極之子桓公甘平公之子劉子謂萇弘

曰甘氏又往矣對曰何害同德度義度謀也言唯同心同德則能謀義子朝不能於我

無害能於我犬誓曰紂有億兆夷人亦有離德言紂衆億兆夷有四夷不能同

德終敗亡尚書余有亂臣十人同心同德武王言我有治臣十人雖少同

誓無此語心也今犬此周所以興也君其務德無患無人戊午

王子朝入于鄆緱氏西南有鄆聚言子朝稍強。鄆烏戶反

○晉士彌牟逆叔孫于箕將禮而歸之叔孫使梁其蹇待

於門內蹇叔孫家臣。蹇戶定反曰余左顧而歎乃殺之疑士伯來殺已故謀殺之。歎

苦代反右顧而笑乃止叔孫見士伯士伯曰寡君以為

盟主之故是以久子久執子以謝邾不腆敝邑之禮將致諸

從者使彌牟逆吾子叔孫受禮而歸二月媾至自

晉尊晉也媾媾族所以尊晉媾行人故不言罪己

○三月庚戌晉侯使士景伯涖問周故涖臨也就問子朝敬王知誰與耳

士伯立于乾祭而問於介衆乾祭王城北門介大也。乾音干祭側介反晉人

乃辭王子朝不納其使衆言子朝曲故

○夏五月乙未朔日有食之梓慎曰將水陰勝陽故曰將水

昭子曰旱也日過分而陽猶不克克必甚能無旱

乎過春分陽氣盛時而不勝陰陽將猥出故為旱陽不克莫將積聚也陽氣莫然不動乃將積聚

○六月壬申王子朝之師攻瑕及杏皆潰瑕杏敬王邑

○鄭伯如晉子犬叔相見范獻子獻子曰若王室

何對曰老夫其國家不能恤敢及王室抑人亦有

言曰嫠不恤其緯嫠寡婦也織者常苦緯少寡婦所宜憂而憂宗周之隕

為將及焉恐禍及已今王室實蠢蠢焉蠢蠢動擾貌吾小國懼矣

然大國之憂也吾儕何知焉吾子其早圖之詩曰

鉞之罄矣惟壘之恥詩小雅壘大器鉞小器常稟於壘者而所受罄盡則壘為無餘故恥之○孔疏鉞喻周壘

王室之不寧晉之恥也獻喻晉言周之微弱相依恃於晉今王室亂矣晉無力以助之是晉之恥也

子懼而與宣子圖之宣子韓起乃徵會於諸侯期以明年

為明年會黃父傳

○秋八月大雩旱也終如叔孫之言

○冬十月癸酉王子朝用成周之寶珪于河禱河求福甲

戌津人得諸河上珪自出水陰不佞以温人南侵不佞敬王夫晉以温人

助敬王南侵子朝拘得玉者取其玉將賣之則為石王定而

獻之不佞獻王與之東訾喜得玉故與之邑訾縣西南訾城是也

○楚子為舟師以畧吳疆略行也行吳界將侵之沈尹戌曰此行

也楚必亡邑不撫民而勞之吳不動而速之速名也吳

踵楚躡楚而疆場無備邑能無亡乎越大夫胥犴勞

王於豫章之汭汭水曲。場音亦犴音岸越公子倉歸王乘舟歸道也倉

及壽夢帥師從王壽夢越大夫。夢平聲王及圍陽而還圍陽楚地。王歸行及圍

陽倉與壽夢還越也吳人踵楚而邊人不備遂滅巢及鍾離而

還鍾離不書。告敗畧沈尹戌曰亡郢之始於此在矣王壹動

而亡二姓之帥二姓之帥守巢鍾離大夫幾如是而不及郢詩曰誰

生厲階至今為梗詩大雅厲惡階道梗病也其王之謂乎為定四年吳入郢傳

經二十有五年春叔孫婣如宋○夏叔詣會晉趙

鞅宋樂大心衛北宮喜鄭游吉曹人邾人滕人薛

人小邾人于黃父○有鸚鵡來巢此鳥穴居不在魯界故曰來巢非常故書。鸚鵡其俱反本又作鸚鵡音欲

○秋七月上辛大雩季辛又雩季辛下旬之辛也言又重上事

○九月己亥公孫于齊次于陽州諱奔故曰孫若自孫讓而去位者陽州齊魯竟

上邑未敢直前故次于竟。今山東兗州府東平州東北有陽州城齊侯唁公于野井濟南祝阿縣東有野井亭今在山東濟南府齊河縣東濟河北岸

○冬十月戊辰叔

孫婣卒公不與小鉞而書日者公在外。非無恩。子不敢嗣為大夫○十有一月己亥宋

公佐卒于曲棘陳留外黃縣城中有曲棘里宋地未同盟而赴以名。曲棘當在今河南開封府杞縣境○十

有二月齊侯取鄆取鄆以居公也

傳二十五年春叔孫婣聘于宋桐門右師見之右師樂大



心居語卑宋大夫而賤司城氏司城樂氏之大宗也昭子告

其人曰右師其亡乎君子貴其身而後能及人是

以有禮唯禮可以貴身今夫子卑其大夫而賤其宗是

賤其身也賤人亦賤己能有禮乎無禮必亡為定十年樂宋公

享昭子賦新宮詩逸昭子賦車轄詩小雅周人思得賢女以配

女故明日宴飲酒樂宋公使昭子右坐坐宋公右以相語

相泣也樂祁佐助宴退而告人曰今茲君與叔孫其

皆死乎吾聞之哀樂可樂而哀而樂哀可哀而樂皆喪心也心之

精爽是謂魂魄魂魄去之何以能久為此冬叔孫季公

若之姊為小邾夫人平子庶姑與公若生宋元夫人宋元

平子之生子以妻季平子昭子如宋聘且逆之平子人

外姊公若從從昭謂曹氏勿與魯將逐之曹氏宋元夫人

曹氏告公告樂祁樂祁曰與之如是魯君必出

政在季氏三世矣文子武魯君喪政四公矣宣成無民

而能逞其志者未之有也國君是以鎮撫其民詩

曰人之云亡心之憂矣詩大雅言無魯君失民矣焉得

逞其志靖以待命猶可動必憂為下公

○夏會于黃父謀王室也王室有子朝趙簡子令諸侯

之大夫簡子趙鞅輸王粟具戍人曰明年將納王納王於王城子

犬叔見趙簡子簡子問揖讓周旋之禮焉對曰是

儀也非禮也簡子曰敢問何謂禮對曰吉也聞諸

先大夫子產曰夫禮天之經也經者道之常地之義也義者利之

宜民之行也行者人所履天地之經而民實則之天經地義其

實一埋故總而言之謂天地之經則天之明日月星辰天之明也因地之性高下剛柔地之性也

生其六氣謂陰陽風雨晦明用其五行金木水火土氣為五味酸鹹辛苦甘

發為五色青黃赤白黑發見也章為五聲宮商角徵羽淫則昏亂民失

其性滋味聲色是故為禮以奉之制禮以奉其性為六畜馬牛羊雞犬豕

五牲麋鹿麇狼兔三犧祭天地宗廟三者謂之犧以奉五味為九文謂山龍華蟲藻火粉米黼

黻也華若草華藻水草火畫火粉米若白米黼若斧黻若兩已相戾傳曰火龍黼黻昭其文也

六采畫績之事雜用天地四方之色青與白赤與黑玄與黃皆相次謂之六色五章以奉五色青與赤謂之文赤與白謂之章白與黑謂之黼黑與青謂之黻五色備謂

之繡集此五章以奉成五色之用為九歌八風七音六律以奉五聲解見

年為君臣上下以則地義君臣有尊卑法地有高下為夫婦外內以

經二物夫治外婦治內各治其物為父子兄弟姊妹甥

舅昏媾姻亞以象天明六親和睦以事嚴父若眾星之共辰極也妻父曰昏重昏曰媾婿父曰姻兩婿

相謂曰亞為政事庸力行務以從四時在君為政在臣為事民功曰庸治功曰力行其德教務其

時要禮之本也為刑罰威獄使民畏忌以類其震曜殺戮雷震

電暉天之威也聖人作刑戮以象類之 為溫慈惠和以效天之生殖長育民

有好惡喜怒哀樂生于六氣此六者皆稟陰陽風雨晦明之氣。孔疏民之六志六氣共生

之非一氣生一志也 是故審則宜類以制六志為禮以制好惡喜怒哀樂六志使不過節

有哭泣樂有歌舞喜有施舍怒有戰鬥喜生於好

怒生於惡是故審行信令禍福賞罰以制死生生

好物也死惡物也好物樂也惡物哀也哀樂不失

乃能協于天地之性是以長久協和也簡子曰甚哉禮

之大也對曰禮上下之紀天地之經緯也經緯錯居以相成者

民之所以生也是以先王尚之故人之能自由曲直

以赴禮者謂之成人大不亦宜乎曲直以弼其性。性曲者以禮直之性直者以

禮曲之簡子曰鞅也請終身守此言也鞅能守此言故終免於晉陽之難宋

樂大心曰我不輸粟我於周為客二王後為賓客若之何使

客晉士伯曰自踐土以來踐土在僖二十八年宋何役之不會

而何盟之不同曰同恤王室子焉得辟之子奉君

命以會大事而宋背盟無乃不可乎右師不敢對

受牒而退右師樂大心士伯告簡子曰宋右師必亡奉君

命以使之欲背盟以干盟主無不祥大焉言不善無太此者為

定十年宋樂大心出奔博

○有鸛鵒來巢書所無也師已曰異哉吾聞文武

之世童謠有之師已魯大夫曰鸛之鵒之公出辱之言鸛

則公出辱也鸛鵒之羽公在外野往饋之馬饋遺也鸛鵒跕跕

公在乾侯跕跕跳行貌徵褰與襦褰袴○襦而朱反褻苦故反鸛鵒之巢

遠哉遙遙綢父喪勞宋父以驕綢父昭公死外故喪勞宋父定公代立故以驕○喪去聲

鸛鵒鸛鵒往歌來哭昭公生出歌死還哭童謠有是今鸛鵒來

巢其將及乎將及禍也

○秋書再雩旱甚也

○初季公鳥娶妻於齊鮑文子生申公鳥季公亥之先平子庶叔父

鳥死季公亥與公思展與公鳥之臣申夜姑相其

室公亥即公若也展季氏族相治也○夜本作射又音亦及季妣與饗人檀通季妣公鳥妻鮑文子女饗

人食而懼乃使其妾扶已以示秦遄之妻秦遄魯大夫妻公鳥妹秦姬也

○獲救曰公若欲使余余不可而扶余又訴於公甫

公甫平曰展與夜姑將要余要劫我以非禮○要平聲秦姬以告公之

公之亦公之與公甫告平子平子拘展於卞而執夜

姑將殺之公若泣而哀之曰殺是是殺余也將為

之請平子使豎勿內日中不得請有司逆命執夜姑之有司

欲迎受殺生之命公之使速殺之故公若怨平子季郈之雞

春秋左傳卷之三

鬪季平子郈昭伯二家相近故雞鬪。郈音后。季氏介其雞擣芥子播其羽也。或曰以膠沙播之為介雞。介甲也。高

誘注呂氏春秋云。鎧著雞頭是也。郈氏為之金距。平子怒怒其不益宮於

郈氏請郈氏室以自益。且讓之讓責也。故郈昭伯亦怨平子。臧昭

伯之從弟會昭伯臧為子。從去聲。後從者皆同。為讒於臧氏而逃於季

氏。臧氏執旗。平子怒。拘臧氏老。將禘於襄公。萬者

二人。其眾萬於季氏。禘祭也。萬舞也。於禮。公當三十六人。臧孫曰。此之謂

不能庸先君之廟。不能用禮也。蓋襄公別立廟。大夫遂怨平子。公若

獻弓於公。為公為昭公子務人。且與之出射於外。而謀去季

氏。公為告公。果公責果責皆公為弟。責音奔。公。果公責使侍人僚

相告公。公寢。將以戈擊之。乃走。公曰。執之。亦無命

也。獨言執之無赦。命。相側加反。懼而不出。數月不見。公不怒。又使言

公執戈以懼之。乃走。又使言。公曰。非小人之所及

也。謂僚相為小人。公果自言。公以告臧孫。臧孫以難言難逐。告郈

孫。郈孫以可勸。告子家懿。伯子家羈莊公之元孫。懿伯曰。讒人

以君徼幸。事若不克。君受其名。受惡名。不可為也。會民

數世。以求克事。不可必也。且政在焉。其難圖也。公

退之。退使去。辭曰。臣與聞命矣。言若洩。臣不獲死。乃館

於公。恐受洩命之罪。故留公宮以自明。叔孫昭子如鬪鬪魯邑。公居於長府

春秋左傳卷之三

昭公

五

省南

名九月戊戌伐季氏殺公之于門遂入之平子登

臺而請曰君不察臣之罪使有司討臣以干戈臣

請待於沂上以察罪弗許魯城南自有沂水平子欲出城待罪也大沂水出蓋縣南至下邳入泗

請囚于費弗許請以五乘亡弗許子家子曰君其

許之政自之出久矣隱民多取食焉隱約窮困為之徒者

衆矣日入慝作弗可知也慝姦惡也日冥姦人將起叛君助季氏不可知衆怒不

可蓄也季氏蓄而弗治將蕓蕓積也蕓紆粉反蕓蓄民將生心

生心同求將合與季氏同求叛君者君必悔之弗聽郈孫曰必

殺之公使郈孫逆孟懿子懿子仲孫何忌叔孫氏之司馬鬻

戾言於其衆曰若之何莫對衆疑所助又曰我家臣也不

敢知國凡有季氏與無於我孰利皆曰無季氏是

無叔孫氏也鬻戾曰然則救諸帥徒以往陷西北

隅以入陷公圍也公徒釋甲執冰而踞言無戰心也冰橫丸蓋或云橫丸是箭筒其蓋可以取飲

遂逐之逐公徒孟氏使登西北隅以望季氏見叔孫氏

之旌以告孟氏執郈昭伯殺之于南門之西遂伐

公徒子家子曰諸臣偽劫君者而負罪以出君止

使若非君本意者君自可止不出意如之事君也不敢不改意如季平子名公曰

余不忍也不忍委罪諸臣與臧孫如墓謀辭先君且謀所奔遂行已

亥公孫于齊次于陽州齊侯將唁公于平陰公先  
至于野井齊侯曰寡人之罪也使有司待于平陰  
為近故也齊侯自咎本不勅有司遠詣陽州而欲近會于平陰故令魯侯過共先至野井遠見迎逆自咎以謝公書曰  
公孫于齊次于陽州齊侯唁公于野井禮也將求  
於人則先下之禮之善物也物事也謂先往至野井齊侯曰自莒  
疆以西請致千社二十五家為社千社二萬五千家欲以給公以待君命待君伐季氏之  
命寡人將帥敝賦以從執事唯命是聽君之憂寡  
人之憂也公喜子家子曰天祿不再天若胙君不  
過周公以魯足矣失魯而以千社為臣誰與之立

為齊臣。言從君之人皆將奔君去矣且齊君無信不如早之晉弗從臧昭  
伯率從者將盟載書曰戮力壹心好惡同之信罪  
之有無信明也處者有罪從者無罪繾綣從公無通外內繾綣不離散以公  
命示子家子子家子曰如此吾不可以盟羈也不  
佞不能與二三子同心而以為皆有罪從者陷君留者逐君皆有罪也二三子好亡  
或欲通外內且欲去君去君偽負罪出奔不必繾綣從公二三子好亡  
而惡定焉可同也陷君於難罪孰大焉通外內而  
去君君將速入弗通何為而何守焉乃不與盟何必守公  
昭子自闕歸見平子平子稽顙曰子若我何昭子

春秋傳卷之五 昭公 七 聖傳

曰人誰不死子以逐君成名子孫不忘不亦傷乎  
將若子何平子曰苟使意如得改事君所謂生死  
而肉骨也昭子從公于齊與公言子家子命適公  
館者執之恐從者知叔孫謀公與昭子言於幄內曰將安衆  
而納公昭子請歸安衆公徒將殺昭子伏諸道伏兵孔疏昭子謀歸安衆而後納公則  
獨公得入從公伐季氏者不得入故欲殺昭子也左師展告公公使昭子自鑄歸辟伏  
平子有異志不欲復納公冬十月辛酉昭子齊於其寢使  
祝宗祈死戊辰卒恥為平子所欺因祈而自殺齊音齋左師展將以公棄  
馬而歸公徒執之展魯大夫欲與公俱輕歸輕去聲欲共公單騎而歸也

○士申尹文公涉于鞏焚東訾弗克文公子朝黨於鞏縣涉洛水也東訾  
敬王邑

○十一月宋元公將為公故如晉請納公夢犬子樂即  
位於廟己與平公服而相之平公元且召六卿公曰  
寡人不佞不能事父兄父兄謂華向以為二三子憂寡人  
之罪也若以羣子之靈獲保首領以歿唯是楸柎  
所以藉幹者楸柎棺中笭也幹骸骨也楸音駢柎音附請無及先君欲自仲幾  
對曰君若以社稷之故私降昵宴羣臣弗敢知昵近也降  
昵宴謂損親近聲樂飲食之事昵女乙反若夫宋國之法死生之度先君有



命矣。羣臣以死守之，弗敢失隊。臣之失職，常刑不赦。臣不忍其死，君命祇辱。言君命必不行，祇適也。宋公遂行。己亥，

卒于曲棘。為明年梁邱據語起本。

○十二月庚辰，齊侯圍鄆。欲取以居公，不書圍。鄆人自服，不成圍。

○初，臧昭伯如晉，臧會竊其寶龜。僂句。僂句，龜所出地名。僂音旅。

以卜為信，與僭、僭吉。僭不信也。臧氏老將如晉，問會。問昭伯起居。

請往。代家老行。昭伯問家故，盡對也。故事。及內子與母弟叔孫

則不對。內子，昭伯妻。不對，若有他故。再三問，不對。歸及郊，會逆問，又

如初。對又不對。至次於外，而察之，皆無之。執而戮之，逸奔

郕。郕魋假使為賈正焉。郕在東平無鹽縣東南。魋假郕邑大夫賈正，掌貨物，使有常價。若市吏。魋音

房賈音嫁。今東平州東四十里有郕城。計於季氏。送計簿於季氏。臧氏使五人，以戈楯

伏諸桐汝之間。桐汝，里名。楯，食準反。會出，逐之，反奔。執諸季氏

中門之外。平子怒曰：「何故以兵入吾門？」拘臧氏老

季臧有惡。相怨惡。及昭伯從公，平子立臧會。立以為臧氏後。會曰：

「僂句不余欺也。」傳言卜筮之驗善惡由人。

○楚子使薳射城州，屈復茄人焉。還復茄人於州。屈，茄音加。城邱

皇遷訾人焉。移訾人於邱皇。使熊相祺、郭巢、季然、郭卷。使二大夫為巢

卷，築郭也。卷城在南陽葉縣南。禰音梅。相去聲。子犬叔聞之曰：

楚王將死矣使民不安其土民必憂憂將及王弗能久矣為明年楚子居卒傳

經二十有六年春王正月葬宋元公三月而葬速 ○三月

公至自齊居于鄆 ○夏公圍成成孟氏邑不書齊師師賤衆少重在公 ○秋

公會齊侯莒子邾子杞伯盟于鄆陵鄆陵地闕 公至

自會居于鄆無傳 ○九月庚申楚子居卒未同盟而赴以名 ○

冬十月天王入于成周傳言王入在子朝奔後經在前者子朝來告晚 尹氏召伯

毛伯以王子朝奔楚召伯當言召氏經誤也尹召族奔非一人故言氏書奔在王入下者王入乃告諸侯

傳二十六年春王正月庚申齊侯取鄆前年已取鄆至是乃發傳者為

公處  
鄆起

○葬宋元公如先君禮也善宋人違命以合禮

○三月公至自齊處于鄆言魯地也入魯竟故書至猶在外故書地

○夏齊侯將納公命無受魯貨申豐從女賈豐賈一人皆季氏家臣

以幣錦二兩二丈為一端二端為一兩所謂匹也二兩二匹 縛一如瑱瑱充耳縛

適齊師謂子猶之人高齎子猶梁邱據

能貨子猶為高氏後粟五千庾言若能為我行貨於子猶當為請使得為

高齎以錦示子猶子猶欲之齎曰

魯人買之百兩一布以道之不通先入幣財言魯人買此甚

多布陳之以百兩為數。財猶材也。

子猶受之言於齊侯曰羣臣不盡力

於魯君者非不能事君也

欲行其說故先示欲盡力納魯君

然據有異

焉

異猶在也

宋元公為魯君如晉卒於曲棘叔孫昭子求

納其君無疾而死不知天之弃魯耶抑魯君有罪

於鬼神故及此也君若待于曲棘使羣臣從魯君

以卜焉

卜知可伐否

若可師有濟也君而繼之茲無敵矣

若其無成君無辱焉齊侯從之使公子鉏帥師從

公

鉏齊大夫

成大夫公孫朝謂平子曰有都以衛國也請

我受師許之

以成邑禦齊師

請納質

恐見疑質音致

弗許曰信女足

矣告於齊師曰孟氏魯之敝室也

敝壞也

用成已甚弗

能忍也請息肩于齊

公孫朝詐齊師言欲降使來取成

齊師圍成成人

伐齊師之飲馬于淄者曰將以厭眾

以厭眾心不欲使知已降也淄水出泰山

梁父縣西北入汶。厭於舟反

魯成備而後告曰不勝眾

告齊言眾不欲降已不能勝

及齊師戰于炊鼻

季氏師距公非公命則不書炊鼻魯地

齊子淵捷從洩聲

子

聲子魯大夫

射之中楯瓦

瓦楯脊。射音石楯常允反 繇胸汰軒七入者

三寸

入楯瓦也胸車輶軒車轆繇過也汰矢激也矢鏃也胸其俱反一作胸沐他達反

聲子射其馬斬鞅

殪

殪死也

改駕人以爲駸戾也而助之

人魯人也駸戾叔孫氏司馬

子車

曰齊人也

子車即淵捷

將擊子車子車射之殪其御曰又

之又欲使射餘人子車曰衆可懼也而不可怒也子囊帶從

野洩叱之囊帶齊大夫野洩即聲子。叱昌實反。洩曰軍無私怒報乃私也

將亢子欲以公戰禦之。不欲私報其叱。又叱之子囊復叱之。亦叱之野洩亦叱也言齊無戰心但相叱。

冉豎射陳武子中手冉豎季氏臣。失弓而罵武子罵。以告平子

曰有君子白皙鬢鬚眉甚口平子曰必子彊也無

乃亢諸子彊武子字。鬢之忍反。黑也。甚口甚有口辨也。對曰謂之君子何敢亢

之言不敢違季氏。林雍羞為顏鳴右下皆魯人羞為右故下車戰。苑何忌取

其耳何忌齊大夫不欲殺雍但戮其耳以辱之。顏鳴去之其右見獲懼而去之。苑子之御曰

視下顧復欲使苑子擊其足。苑子荆林雍斷其足鑿而乘於他

車以歸鑿一足行。荆芳弗反。斷丁管反。鑿遣政反。說文云擊也。今江南猶謂刀擊為荆。顏鳴三入齊

師呼曰林雍乘言魯人皆致力於季氏不以私怨而相弃。平乘並去聲。

○四月單子如晉告急五月戊午劉人敗王城之

師于尸氏劉人劉舍之屬王城子朝之徒尸氏在鞏縣西南偃師城。今河南河南府偃師縣西南有新蔡鎮即古尸鄉春秋時

之尸氏也。戊辰王城人劉人戰于施谷劉師敗績施谷周地。

○秋盟于鄆陵謀納公也齊侯謀。

○七月己巳劉子以王出師敗懼而出。孔疏自劉而出。庚午次于渠

渠周地。即周陽渠。在今河南府洛陽縣。王城人焚劉燒劉子邑。丙子王宿于褚氏洛陽縣南

有褚氏亭。褚音黃。後漢志洛陽有褚氏聚今在洛陽縣東。丁丑王次于荏谷庚辰王入

于胥靡辛巳王次于滑

崔谷胥靡滑皆周地胥靡滑本鄭邑後漢書孫堅進軍大谷距洛九十里其谷連直至潁陽縣何進設八關大谷其一也周之崔谷施谷皆其支徑耳胥靡城在偃師縣東南四十里滑即偃師縣南緣氏故城

晉知

躒趙鞅帥師納王使女寬守闕塞

女寬晉大夫闕塞洛陽西南伊闕口也守之備

子朝女音汝塞素代反闕塞山在洛陽縣南

○九月楚平王卒令尹子常欲立子西

子西平王之長庶

王子壬弱其母非適也

王昭王也王子建實聘之子西長

而好善立長則順建善則治王順國治可不務乎

子西怒曰是亂國而惡君王也

言王子建聘之是章君王之惡

國有外

援不可瀆也外援秦也瀆慢也王有適嗣不可亂也敗親速

讎不立壬秦將來討是速讎也

亂嗣不祥我受其名受惡名

賂吾以天下

吾滋不從也

滋益也楚國何為必殺令尹令尹懼乃立

昭王

○冬十月丙申王起師于滑

起發也

辛丑在郊

郊子朝邑

遂次

于尸十一月辛酉晉師克鞏

鞏趙鞅之師

召伯盈逐王子

朝伯盈本黨子朝晉師克鞏知子朝不成更逐之而逆敬王

王子朝及召氏之族毛伯得

尹氏固南宮隰奉周之典籍以奔楚

尹名二族皆奔故稱氏重見尹固名者為

陰忌奔莒以叛陰忌子朝黨莒周邑

召伯逆王于尸及劉子

單子盟

名伯新還故盟

遂軍圍澤次于隄上

圍澤隄上皆周地○隄音低○圍澤即東園之

後還見殺

昭公

城案

澤今在洛陽縣東境

癸酉王入于成周

成周今洛陽

甲戌盟于襄宮

襄王之廟

晉師使成公般戍周而還

般晉大夫

十二月癸未王

入于莊宮

莊宮在王城

王子朝使告于諸侯曰昔武王克

殷成王靖四方康王息民竝建母弟以蕃屏周亦

曰吾無專享文武之功

不敢專故建母弟

且為後人之迷敗

傾覆而溺入于難則振救之至于夷王王愆于厥

身

夷王厲王父也愆惡疾也覆音福

諸侯莫不竝走其望以祈王身至

于厲王王心戾虐萬民弗忍居王于彘

王于

諸侯釋位以閒王政

閒猶也去其位與治王之政事閒去聲

宣王有志

不忍害王也厲王之末周人流

而後效官

宣王厲王子彘之亂宣王尚少名公虎取而長之效授也

至于幽王天不弔周

王昏不若用愆厥位

幽王宣王子若順也愆失也

攜王奸命諸侯替

之而建王嗣用遷邾郈

攜王幽王少子伯服也王嗣宜曰也幽王后申姜生天子宜曰王幸褒姒生伯

服欲立之而殺天子天子奔申申伯與郈及西戎伐周戰于戲幽

王死諸侯廢伯服而立宜曰是為平王東遷邾郈奸音干下同則是兄

弟之能用力於王室也至于惠王天不靖周生頹

禍心施于叔帶惠襄辟難越去王都

惠王平王六世孫頹惠王庶叔也莊十九

年作亂惠王適鄭襄王惠王子叔帶襄王弟

僖二十四年叔帶作難襄王處汜施音異則有晉鄭咸黜不端

黜去也晉文殺叔帶鄭厲殺子頹為王室去不端直之人以綏定王家則是兄弟之能率

先王之命也在定王六年秦人降妖

定王襄王孫定王六年魯宣八年

周其有頤王亦克能脩其職諸侯服享二世其職

二世謂靈景王室其有間王位諸侯不圖而受其亂災

頤子斯反問王位謂子朝也今子朝以為王猛受亂災謂

楚也今子朝以為晉間去聲下間先王同至于靈王生而有

頤靈王定王甚神聖無惡於諸侯靈王景王克終其

世景王靈今王室亂單旗劉狄剝亂天下壹行不若

單旗穆公也劉狄謂先王何常之有言先王唯余心所命

劉盆也壹專也其誰敢討之帥羣不弔之人弔至也弔如字舊丁歷反傳

氏遜曰好行禍亂不相弔恤之人以行亂于王室侵欲無厭規求無度貫瀆鬼神貫瀆

易也厭平慢弃刑法倍奸齊盟傲很威儀矯誣先王

聲貫古患反晉為不道是攝是贊攝持也贊佐也先王思肆其罔極肆放

茲不穀震盪播越竄在荆蠻茲此也此不未有攸底底至

所也若我一二兄弟甥舅獎順天法無助狡猾以

底音旨從先王之命毋遠天罰赦圖不穀赦其憂而則所願

也敢盡布其腹心及先王之經而諸侯實深圖之

昔先王之命曰王后無適則擇立長年鈞以德德

鈞以卜此所謂先王不立愛公卿無私古之制也穆

后及犬子壽早夭即世在十單劉贊私立少以閒先

王閒錯先亦唯伯仲叔季圖之伯仲叔季閔馬父聞子

王之制閔馬父聞子

朝之辭曰文辭以行禮也子朝于景之命遠晉之

大以專其志無禮甚矣文辭何為傳終王室亂

○齊有彗星出齊之分野不書魯不見齊侯使禳之祭以禳晏子曰無

益也祇取誣焉誣欺也天道不諂諂疑也諂本又作慙他刀反不諂不好諂也不貳

其命若之何禳之且天之有彗也以除穢也君無

穢德又何禳焉若德之穢禳之何損詩曰惟此文

王小心翼翼昭事上帝聿懷多福厥德不回以受

方國詩大雅翼翼共也聿惟也回違也言文王德不違天大故四方之國歸往之君無違德方國將

至何患於彗詩曰我無所監夏后及商用亂之故

民卒流亡逸詩也言追監夏商之亡皆以亂故若德回亂民將流亡祝史

之為無能補也公說乃止齊侯與晏子坐于路寢

公歎曰美哉室其誰有此乎景公自知德不能久有國故歎也晏子曰

敢問何謂也公曰吾以為在德言我以為有德者當能有此室也對曰

如君之言其陳氏乎陳氏雖無大德而有施於民

豆區釜鐘之數其取之公也薄謂以公量收施去聲區音歐其施之

民也厚謂以私量貸公厚斂焉陳氏厚施焉民歸之矣詩

曰雖無德與女式歌且舞詩小雅義取雖無大德要有喜說之心欲歌舞之式用也陳


氏之施民歌舞之矣後世若少惰陳氏而不亡則



國其國也已。公曰：善哉！是可若何？對曰：唯禮可以已之。在禮，家施不及國，民不遷，農不移，工賈不變，守常業。賈音古。士不濫，不失職。官不滔，滔慢也。大夫不收公利，不作福。公曰：善哉！我不能矣。吾今而後知禮之可以為國也。對曰：禮之可以為國也久矣。與天地竝，有天地則禮義興。君令臣共，父慈子孝，兄愛弟敬，夫和妻柔，姑慈婦聽，禮也。君令而不違，臣共而不貳，父慈而教，子孝而箴，箴諫也。兄愛而友，弟敬而順，夫和而義，妻柔而正，姑慈而從，從不自專。婦聽而婉，婉順也。禮之善物也。公曰：善哉！寡

人今而後聞此禮之上也。禮者先王之所尊尚。對曰：先王所稟於天地，以為其民也。是以先王上之。稟受也。

春秋左傳杜注卷第二十五



享和柔成



漢書卷之二十一

漢書卷之二十一  
漢書卷之二十一  
漢書卷之二十一

漢書卷之二十一

二十一

